



趙方厓文集序



德行本也文藝末也植其本而  
茂其末斯可已本之不植斯末  
不足言所謂行者未可輒擬諸  
大聖人即世所謂孝弟忠信者  
無愧焉亦不失為聖人之徒也  
余久聞方厓之賢而少接顏面

叙款曲旣轉官尚書過余堅持  
門生列坐禮余笑曰尚書對尚  
書無乃過謙乎方厓曰老父與  
翁同庚中心肅然列坐乃安遂  
列坐竟不肯變因而叩其家政  
朝夕侍養曲盡孝思乃知其果  
於孝也歷覽前後奏疏激烈

惻率皆為

國為民為社稷其最善在貴州憲  
績無論地方險易一一親歷率  
前後巡歷所未到之地且曲盡  
夷情感頌不已乃知其忠也處  
兄弟宗族鄉黨曲盡情好不任  
富貴相用是老幼咸得其歡因

叙款曲旣轉官尚書過余堅持  
門生列坐禮余笑曰尚書對尚  
書無乃過謙乎方厓曰老父與  
翁同庚中心肅然列坐乃安遂  
列坐竟不肯變因而叩其家政  
朝夕侍養曲盡孝思乃知其果  
於孝也歷覽前代奏疏激烈

惻率皆為

國為民為社稷其最善在貴州憲  
績無論地方險易一一親歷率  
前後巡歷所未到之地且曲盡  
夷情感頌不已乃知其忠也處  
兄弟宗族鄉黨曲盡情好不作  
富貴相用是老幼咸得其歡因

有懷一忌心出一怨言乃知其  
悌與信也是所謂孝弟忠信以  
為之本而發於枝葉不容不茂  
矣且其文平正婉麗如方池圓  
沼波濤不激蓋有本之文不求  
文而自文者然余之知方厓在  
本而不在末乃樂為之序而弗

以衰憊辭云

特旨存問八十六叟容庵應大猷  
拜書

有懷一忌心出一怨言乃知其  
悌與信也是所謂孝弟忠信以  
為之本而發於枝葉不容不茂  
矣且其文平正婉麗如方池圓  
沼波濤不激蓋有本之文不求  
文而自文者然余之知方厓在  
本而不在末乃樂為之序而弗

以衰憊辭云

特旨存問八十六叟容庵應大猷  
拜書

燕石集目錄  
卷之一  
奏疏  
為懇乞  
天恩赦小過錄舊臣以宏  
聖  
德疏  
為慎用人以崇治體疏  
為不職撫臣罔  
上邀功貽患地方疏  
為附郭宣慰調兵行殺斬權越占糧馬地  
方抄虜人命兩省得聞冤苦疏

燕石集目錄

卷之一

奏疏

為懇乞

天恩赦小過錄舊臣以宏

聖

德疏

為慎用人以崇治體疏

為不職撫臣罔  
上邀功貽患地方疏

為附郭宣慰調兵行殺斬權越占糧馬地

方抄虜人命兩省得聞冤苦疏

為比例開廩均作養以勵人才疏

為乞賜名臣卹典以光存歿疏

為患病不能供職懇乞天恩放歸調理

疏

為再乞天恩放歸調理以全殘喘疏

為自陳不職乞賜罷黜以荅天戒疏

為懇乞聖慈憫念地方災傷俯賜停免

額外加徵府第工銀以蘇民困以固邦

本疏

為人命疏

為中途患病不能赴任懇乞天恩容人

致仕以延殘喘疏

為中途患病危篤再乞天恩早賜放

歸以全殘喘疏

為宿疾未痊不能赴任懇乞天恩仍容

在籍調理以圖補報疏

為宿疾未痊不能赴任再乞天恩仍容

在籍調理以圖補報疏



附按貴奏議一十九事

卷之二

傳

蔡烈婦傳

迂江病叟傳

序

霞溪詩集序

京畿道同事錄序

題周廣居交游卷後

題醉醒集

愍忠錄序

赤城先生集序

空谷遺音序

散軒遺稿後序文

跋重刊弘治壬子浙江試錄

祭文

真亡室孺人牟氏喪歸文

北行告亡室牟孺人文

真亡室小祥文

遙奠亡室入墓文

誌

亡室孺人牟氏墓誌

汪太安人周氏墓誌銘

中峰張公墓誌銘

卷之三

詩五言古

天台溪泛

送鮑觀瀾分教貴池便道南還

贈張雷岡

送林白峯下第南還

五言律

度括蒼

宿括蒼

過嶺

歸自京師

憶雷川二首

辛丑歲九月廿日分宜道中值先祖墓辰

有感

月潭寺

東坡寺

人日

送李進士奉使還南昌

穀日

碧雲漫興六首

題游渥卷

人日過田方伯飲

別方司工

送陳敏之還天台壽母

妻叔霞溪先生伯仲屢枉詩教水宿晚望

懷然有懷

秋日情緒弟遊聖水寺二首

寄蓮山馬君

別沈子

張參戎西川別業

題錢司農洞泉圖

寄從弟健

題蓮峰居士留雲閣

送鮑處忍南還

咏柳亭

次韻答徐達齋大理二首

喜雨

贈蔡左海歸省

五言排律

春日十八韻

送施定之宰武平

送任司訓赴宿遷

五言絕句

除夜旅懷

沈子積枉召山行

送陸戢陽還越 二首

送塾師管惕菴

送金長洲別館

寄京邸友人陸君

六言

界亭道中 三首

宿馬底驛

七言古

送姜別駕之馬隆

題松坡翁圖

七言律

春節 賜宴午門

寄對竹軒居士

謝秋卿南湖恤刑貴竹

對雪

題暮峰臺卷

除日以病不得與南湖守歲戲筆自遣  
壬寅元日試筆

送大司空韓公入貴朝便省太夫人于蜀  
送謝南湖畢事歸湘燕領保寧郡二首  
題雙鹿應期卷

至善定登圓通寺高頭二首

九日新添道中

新添對菊寄楊西村侍御  
來遠驛花驄

清平王僉憲邀遊天然洞

送包蒙泉請告歸江東

夜夢舍弟倫口號待寄

病起東行止龍里

癸卯元日柬方司工

賀司工得男

送朱大叅致政歸金華

過新昌荅侍御沃洲次韻

送張侍御按貴陽兼得恩封歸省

呂侍御春日監祀太廟

送馮督學午山兄再赴南都

王新甫進士新昏

讀安成周節婦傳

秋日登憑虛閣寄牟氏叔丈

寄克齋先生

送邵象峰先生赴河池

卜居

間居病起

次韻訓沈子積二首

疊韻答邵子二首

送縣尹魏渠清赴召

寄畬川諸姻長

題後屏圖

簡王仲山

送賀司評分憲廣東

送後屏盧公赴召大理

長春堂

思歸

成安縣博朱二丈

讀王砭集寄孫少梅

送朱後峰教授寧國

送王九難之任宜興

送塾師張君分教金谿

送俞總戎之雲中

謝鄭儀臺兩秋惠菊

疊韻答謝家叔二首

再疊答少梅

家叔和述夢之作次韻奉酬

再答謝家叔占夢之作

即事漫書

飲許太常石城宅

疊前韻

同年八人讌徐園二首

次韻復張龍岡年兄

馳疏乞身



送林白峰先生令都昌

祇命洛陽送同事陳大參雷副憲北還

二首

使洛北還與風泉張公登定州開元寺塔

七言絕句

宿靈石山房

將發赤城寄畬川諸外叔

清浪壁間見包侍御留題

二首

平溪晚行

寄問戚都諫謫山東

四首

至日邀南湖秋卿

題洞賓過海

對月

寄梨與方司工

荅沈思亭自蜀惠扇

促代東林經憲恕

彭城別家叔北上

寄問楊都閩二首

題內弟林子隆便面

簡劉麟野

簡塾師世壯弟

送趙府典膳楊楫北還

簡沈子積

送朱用賓分教青州

坐雨簡子積

越河官柳

江干飲故人

向人乞菊

春夜北河聞鴈

北河月夜有懷佶弟

寄筆墨與弟倫 涂中示兒五首

哭老奴凌四

渡江

喜得家書示兒

彭城別家叔北上

寄問楊都閩二首

題內弟林子隆便面

簡劉麟野

簡塾師世壯弟

送趙府典膳楊楫北還

簡沈子積

送朱用賓分教青州

坐雨簡子積

越河官柳

江干飲故人

向人乞菊

春夜北河聞鴈

北河月夜有懷佶弟

寄筆墨與弟倫 涂中示兒五首

哭老奴凌四

渡江

喜得家書示兒

古遺居士

咏松橋

雪夕客至

丙辰歲有感

秋夜聞鴈

贈張月洲居士

題醉醒集

送酒張龍門年兄

賦得新阡

與世服

贈葉盤谷

恭聞 聖恩寬釋海主事

寒夕白塔道中

睡覺聞鷄聲述夢

別徐槐清

次九難韻并贈

贈林中岡巾

與少梅飲家叔宅值雨

古遺居士

咏松橋

雪夕客至

丙辰歲有感

秋夜聞鴈

贈張月洲居士

題醉醒集

送酒張龍門年兄

賦得新阡

與世服

書贈葉盤谷

恭聞 聖恩寬釋海主事

寒夕白塔道中

睡覺聞鷄聲述夢

別徐槐清

次九難韻并贈

贈林中岡巾

與少梅飲家叔宅值雨

在洛得友人陳君書附荅

詩餘

菩薩蠻

齊天樂

卷之四

書

過德州因趙憲使遺包蒙泉侍御書

寄趙劍門年兄書

寄汲泉李公書

初報撫公培菴書

再報培菴書

荅項減峯太守書

荅定遠宰張少渠年兄書

寄舊令雙溪曾公書

寄司空後屏盧公書

荅李同野年兄書

在洛得友人陳君書附荅

詩餘

菩薩蠻

齊天樂

卷之四

書

過德州因趙憲使遺包蒙泉侍御書

寄趙劍門年兄書

寄汲泉李公書

初報撫公培菴書

再報培菴書

荅項臧峯太守書

荅定遠宰張少渠年兄書

寄舊令雙溪曾公書

寄司空後屏盧公書

荅李同野年兄書

慰內兄王南泉先生書

復巡撫安峯劉公書

荅松巖符公書

荅督漕澹泉鄭公書

寄河南巡撫一山鄒公書

荅遼陽巡撫寒村蘇公書

復貴州巡撫須野張公書

寄徐東溪督學書

寄一所金公書

荅 德府長史邵象峰先生書

荅巡撫汲泉李公書

寄太宰聞公書

寄督漕澹泉鄭公書

寄萬慶源總戎書

慰母舅肯齋先生書

荅督漕鄭公書

復甘肅巡撫王崇溪公書

復巡撫安峯劉公書



答水部包三溪書

答吳孫塘方伯書

寄陳馨泉大叅書

寄俞總戎書

答吳初泉侍御書

答盧後屏先生書

答余玉厓先生書

答陳圃山先生書

寄譚二華太守書

答大同巡撫齊公書

答陳潛齋年兄書

答總督裁菴楊公書

寄葛雙石年兄書

答胡梅林巡按書

寄寧海林大尹書

慰符表弟書

慰內弟王子陳書

答族弟世卿書

新元集目錄  
十五  
答水部包三溪書

答吳孫塘方伯書

寄陳罄泉大叅書

寄俞總戎書

答吳初泉侍御書

答盧後屏先生書

答余玉厓先生書

答陳團山先生書

寄譚二華太守書

答大同巡撫齊公書

答陳潛齋年兄書

答總督裁菴楊公書

寄葛雙石年兄書

答胡梅林巡按書

寄寧海林大尹書

慰符表弟書

慰內弟王子陳書

答族弟世卿書

荅族弟受書

荅佶弟書

慰從弟俊書

荅舅氏王雪岩先生書

荅曹東村先生書

荅趙嶧山大尹書

寄劉覺齋先生書

寄鄭雲川先生書

寄金惺菴伯仲

與泰和曾戴川伯仲書

寄徐省菴書

與殷石汀提學書

寄永平紀太守書

荅劉覺齋先生書

荅趙南華大尹書

與牟思貽叔丈書

與李景山參議書

荅山西巡撫葛雙石年兄書

復二叔父書

寄王及泉侍御小簡

荅儀封王中渠太守書

荅謝潮溪少叅書

荅林白峰書

荅張石橋年兄書

寄魏渠清司農書

荅陶文溪先生書

寄章樓石先生書

荅世服書

奉內閣徐存翁書

荅廣德彭知州書

寄朱後峯書

寄吳初泉太僕書

荅竹亭書

寄毛太守書

奉內閣高中玄翁書

寄傅虛岩年兄書

燕石集目錄  
卷之十一  
答趙玉泉撫公書

上政府劄

答吳悟齋給諫書

再簡悟齋

奉復徐存翁書

寄牟培萱叔丈書 附錄培萱未書

又答培萱書 二次

燕石集卷之一

赤城居士方厓趙大佑著

奏疏

懇乞

天恩赦小過錄舊臣以宥

聖德疏

竊以君之於臣猶父之於子子有得罪於其父非  
罪大惡極則譴誡以懲俾之自艾未至遽絕其跡  
不容朝夕于左右故古之臣有得罪避位者待命  
于境君察其心迹量其罪過非至大不得已則賜

答趙玉泉撫公書

上政府劄

答吳悟齋給諫書

再簡悟齋

奉復徐存翁書

寄牟培萱叔丈書

附錄培萱來書

又答培萱書

二次

燕石集卷之一

赤城居士方厓趙大佑著

奏疏

懇乞

天恩赦小過錄舊臣以宥

聖德疏

竊以君之於臣猶父之於子子有得罪於其父非罪大惡極則譴誡以懲俾之自艾未至遽絕其跡不容朝夕于左右故古之臣有得罪避位者待命于境君察其心迹量其罪過非至大不得已則賜

之環以復其位即使不容而去猶未遽收其田里  
凡以手足腹心休戚恩禮蓋有一旦未忘焉者竊  
照原任兵部尚書兼左都御史今革職為民王

又荷

聖恩任之掌院其人品賢否賴

聖明洞照有年臣以菲才濫列今職出入臺署亦常念  
其宅心報

主頌不落諸臣之後去歲偶以郭之敗不行糾正

連革職夫

與共以團營往來同事不能

見豫待引嫌自踈迹似近昵罪固無辭更賴

聖明量其素履不加重譴保全還家在一身叨荷

主恩固不以進退而有加損然以平生心事偶近元亮

未及自白而去不無懷慚沒齒臣近見邸報大學

士夏尚書許及都御史張翟俱蒙

皇上留任錄用天下皆知

聖主不遺耆舊舍短取長凡有識者孰不感奮獨今

以心迹未明尚孤

恩禮是

天地並育之中猶有向隅之泣竊意

聖慈亦為不忍夫明君之用才譬則大匠之用木大匠

不以寸朽而廢合抱之材明君不以一青而遺濟世之器故與人不求備成湯所以興商故舊無大過則不棄周公所以貽魯要皆忠厚之德延祚長久方今

帝德廣運比隆三代奔走豪傑陳力許身固不假

一人但其敷歷諳練立身許

國久在輿論猶深山之木風雨霜露歲月經久質幹自殊任之以巨室負荷必勝委而不取未免行道之惻爾臣濫列今官媿無寸補自念薦賢為國亦臣職事且以受知有年近日之過尚有可原

輒敢昧死上干

天聽否則朋姦之罪在

且不免而比匪人以誤

主上臣雖拔髮救罪何足贖哉如蒙

聖慈特賜允納

勅下吏部再加查議明其心迹請自

上裁赦其過誤仍

賜還職起用或遇缺推補以責後效則善善長惡惡短

不惟仰見

聖德無疆而使過圖新感遇懲往

當何如為報也

天下幸甚臣不勝幸甚



慎用人以崇治體疏

竊謂人才之生類有善惡其致用也君子之進恒難而小人之退不易得非直道之不容側媚之可售歟三代之下有君無臣治不追古其來尚矣臣奉

命萬里二年之內每覲邸報進一賢退一不肖未嘗不三復仰歎

聖明知人之哲遠邁先王間有推舉未當

陛下欲試其可而用之臣未及知而為他臣所知者形於論劾不旋踵而斥去則又仰歎

聖明從諫如流稽衆舍己溥海之內咸所覩記不俟臣  
稽舉以頌

聖謨今但以臣心所未安者敢昧死言之臣昨得邸報  
該吏部題為南京參贊機務員缺先推尚書顧  
宋 奉

旨再推兩員來看今次擬據巡撫都御史陸 等所薦  
致仕尚書王 上

請節奉

俞旨王 改南京兵部尚書臣見此殊為駭異  
之為人臣雖未得其詳自臣入官以來嘗聞其奔

競無耻與原任尚書周

皆善事權貴獵至美

官昔者京師有今日

明日

之謠矣今姑

以近事切實者證之十九年秋冬之交臣在道管  
事先該吏部題為陳言邊情時務以荅

聖制以圖真安事據原任翊國公郭 奏前事奉

旨下部覆議題奉

欽依通行兩京府部九卿科道等官薦舉文武遺才彼

時武職衆議已同先會踴入

奏獨於文職久議不決續遇

朝審該原任吏科都給事中邢

催會又不決在

道諸臣言於臣曰無益也徒為權門竒貨爾臣扣

之乃知大學士翟

欲用

與原任尚書李

二人者皆

同鄉而

又同年且為郭

注

意其奔競為尤者也彼年入冬以後臣有祖喪給

假在外未幾科道議成竟遺

猶舉

臣又

扣之諸臣曰彼善於此思其次爾及吏部覆題

果預起用當時

假亦預薦豈待今日始出

哉

有點尚未用而

不齒於公論者已售

焉非奔競之尤而何臣不敏直以是度之為翟

引用匪人以誤

陛下無疑矣比事以觀與往日囑託形 薦用御史

段 皆其朋比側媚之故智也夫宰相以知人

為急用賢為要替棄啓沃補闕謀猷其職也柰何

援引小人私濫公器其為負

國甚矣亦將焉用彼相哉夫邪正不並用用者小人

其舍者必君子 之鄙臣不敢以他相較只以

顧 宋 視之 為郭 注意其人品相去何

如 何不引彼而用此乎臣閱報內又該 題為

印信事薦兵部左侍郎費 兼翰林院學士掌院

事夫 之庸陋久在物議先任南部侍郎因大學

士夏 至親夤緣改北仰賴

聖明屢推不點近者卒遂其赴叨貳本兵

命下未幾已被南科給事中王 等論劾荷

聖慈不即罷斥為幸已多在部逾時無一善狀翰苑清

署可容此輩玷汚今日文墨之司即他時密勿之

職擇人授任德性為本文藝為末 行已無聞學

術素短何取於斯而 薦之邪且 先與吏部會

推詹事府掌印員缺擬侍郎張 原任副都御史

張 上

請 已陞任掌府事 尚未用教 名實不啻十倍既

堪宮端豈愧於翰苑 果知其賢而推之何不即  
擬以代 乎若以他司不得改翰林則兩京部貳  
與在院講讀豈無一人相應者而獨於 是用其  
意可知也即此二事揣其心是以  
朝廷官爵為已私肉食謀

國之念安在哉夫賢否進退之際關時運否泰之機  
聖明在上運祚靈長此輩狐媚寵祿行險徼倖久當自  
敗但小人之進其根蒂甚固故欲拔去甚難歲移  
月改引類呼朋分布要地沮壞時事與日俱多國  
之不治夫一諛諾氣數也臣質愚識短素乏遠究

自通籍來致身干

澤行已十年往見大學士張

當

國引用私黨中外紛紛

去而夏

入相其黨盡

矣今 去未幾其類又漸振落天道禍淫好還不  
爽蠅叢蚋集之徒固其自取頽於

國體不亦傷乎目今時勢風靡正為 等私黨競進  
之日頽

陛下留神深察而謹其始也臣先是見報該吏科都給

事中沈

題為乞

恩簡命本兵大臣以安內攘外事欲將近年撫按科道

薦舉大小官員不拘致仕革職緣事等項吏部逐一查出條陳上

請簡用奉

旨下部覆議已合今後遇有相應員缺凡經交薦者本部勘量慎簡與見任官相兼推舉節奉

聖旨是臣嘗竊歎此意甚美又恐將順者權衡之不審反滋他故詎意夫何而既用費不俟言矣

中外多事之時議論盈庭之日

聖王方宵旰側席以圖安攘乃使憺夫壬人乘間彙進良法美意適為枉道捷徑之資尊位重祿誰效忘

已在公之節豈不重可惜哉且吏部會推

但據陸等薦舉臣記憶素劣不知為誰薦

若使為所薦可遽以為賢乎為巡撫忍

心害民士論切齒已該臣論劾不敢再贅夫其自為尚如此其汲引不為下流同歸者乎昔人

謂達視所舉此一驗也尚書許豈不知其不可

恐亦迫於人情勢莫如何則於忠厚似矣酌量慎簡臣亦未敢許也臣狂蠢之性褊於嫉惡偶覩時事若此不覺戚戚于心因置後害冒昧

上陳臣若恣口涉私公議縱賴

仁慈赦臣鬼神亦不容臣矣伏望

聖明垂照俯察

勅下吏部從公改推素協民望者請

旨簡用以司幕府翰院之職

與俱行罷退保全

末路在二人者萬萬足矣再乞

陛下念履泰之難重進用之柄申賜

天語戒飭輔臣翟秉公進賢仰贊

聖治勿得循私循情引用非類以誤

國事其廢棄人才雖經一二撫按論薦間有不滿公

議者吏部亦勿得槩為推舉將見舉者皆賢賢者

衆不肖者寡風聲所勸小人可變為君子國之不

治治之千古未之有也

不職撫臣罔

上邀功貽患地方疏

行據貴州按察司經歷司呈為貳省救苗屢撫不

化白晝張旗攻打民寨殺虜生靈財畜請兵急救

事又據湖廣辰沅兵備副使李

呈為苗人大

叛圍困縣城十分緊急事又奉都察院勘合據酉

陽宣撫司把事石漢麒奏為久叛苗賊大肆猖獗

流攻衙門軍門屯寨殺虜生靈燒劫房倉財畜懇

乞

天恩請兵征剿以靖地方以安軍門事各到臣皆為蠟  
爾山叛苗龍求兒龍子賢等負固作孽流毒兩省  
等因臣近查得各苗於嘉靖十八年內嘯聚叛逆  
該巡撫湖廣右副都御史陸 及貴州陸任巡撫  
右副都御史韓 等會同

題剿當時獲賊徒龍老革等數十人餘皆勉就招撫  
元兇大慙未及什壹草率勾當乃張大其功  
奏叨

賞賚曾未逾年前苗復出湖廣則龍求兒為首貴州則

龍子賢為首互歲其穴兩相借名聚眾數萬流劫  
酉陽平頭九江等寨月無虛日殺虜人口數已千  
餘財物畜產不知紀極臣自嘉靖二十年秋入境  
銅仁被害人等遮道哀告臣即行守巡各道勘報  
俱稱苗勢猖獗不服招撫臣隨會同巡撫韓

議得龍求兒等係兩省叛苗若欲大舉必須會同  
湖廣該 行陸 不為報臣屢扣 未

得初不知其為前歲欺罔邀功不敢再舉之故及  
陞任其意遂懈權議招撫調兵數千更番戍  
守繼而新任巡撫右副都御史劉 亦咨陸

乞

天恩請兵征剿以靖地方以安軍門事各到臣皆為蠟  
爾山叛苗龍求兒龍子賢等負固作孽流毒兩省  
等因臣近查得各苗於嘉靖十八年內嘯聚叛逆  
該巡撫湖廣右副都御史陸 及貴州陞任巡撫  
右副都御史韓 等會同

題剿當時獲賊徒龍老革等數十人餘皆勉就招撫  
元兇大慙未及什壹草率勾當乃張大其功  
奏叨

賞賚曾未逾年前苗復出湖廣則龍求兒為首貴州則

龍子賢為首互藏其穴兩相借名聚眾數萬流劫  
酉陽平頭九江等寨月無虛日殺虜人口數已千  
餘財物畜產不知紀極臣自嘉靖二十年秋入境  
銅仁被害人等遮道哀告臣即行守巡各道勘報  
俱稱苗勢猖獗不服招撫臣隨會同巡撫韓  
議得龍求兒等係兩省叛苗若欲大舉必須會同  
湖廣該 行陸 不為報臣屢扣 未  
得初不知其為前歲欺罔邀功不敢再舉之故及  
陞任其意遂懈權議招撫調兵數千更番戍  
守繼而新任巡撫右副都御史劉 亦咨陸



知其不可遏也陽許之以緩其志續該彭節  
次咨催遂變前說賊知之無意因攻其所緩自  
是出劫湖廣五寨夫又劫篁子坪矣又劫四十八  
旗屯與盧溪縣絲麻等界矣又綁縛麻陽知縣圍  
燒縣城樓舍矣皆付之不聞守備李申報殺  
虜人口則裂而叱之五寨赴許之人則杖而遣之  
酉陽等司末如之何是以含忿赴

奏奏至亦不爲之如何止見其批行該省守巡議  
剿事宜略云但言用兵亦甚可駭慎之慎之等語  
復以永順宣慰彭宗舜買誘龍求兒等攻劫酉陽

而酉陽與永順互爭刷木事情方該督木都御史  
潘勸處遂欲乘間託之以掩其故知其詐  
也且以叛苗事情原不相涉咨回再三復不省  
天祐嘗親與臣言明案具在近日麻陽告急疊至止  
據巡按湖廣御史史勘處文移到道未聞

有一字主張故麻陽等處縣司無所控告因  
兼制接踵申乞濫及於臣即今之勢在貴州則戍  
費不貲官無餘積在湖廣則遠近殘破民似倒懸  
若合兩省之兵以靖此難誠爲善策此舉而彼不  
應臣知其無可柰何除移牒御史史催行議

題外今與巡撫劉 一面會本奏

請合兵為照前項叛苗 與 始事不確虛冒重

賞今次露跡 已去 且不崇朝而舉因之自

論請罪

聖慈在上庶或見原乃敢坐視不恤重為欺罔不顧公  
議不畏

天誅若此夫人臣奉職于外一命之士受直怠事猶欲  
議黜矧以尊位重祿受寄一方惟便身圖甘心禍  
衆者乎受人之牛羊而為牧者必為之求牧與為  
射虎至而噬之不惟不救而又惡聞其說司牧之

職有人心者恐不爾也平時有纖芥之功則妄自  
張大以徼陞賞至於僨事則百方彌縫曲為防蔽  
臣愚竊以年來邊事之壞未必不由此等撫臣致  
之也且民之於上疾痛疴癢情不相屬則勢不相  
維地方殺人如麻 以一身之故槩不之恤千百  
含冤之衆是即 殺之假手於賊爾 之利已殃  
民至此義士猶為扼腕若邊氓無識之輩忿怨已  
甚控訴無門與其坐以待斃孰與輸心脅從以延  
旦夕臣恐經時漸久逋逃者衆賊藪日滋失今不  
圖異時雖百倍其功不足以成一有失事則兩地

題外今與巡撫劉

一面會本奏

請合兵為照前項叛苗

與

始事不確虛冒重

賞今次露跡

已去

宜不崇朝而舉因之自

論請罪

聖慈在上庶或見原乃敢坐視不恤重為欺罔不顧公

議不畏

天誅若此夫人臣奉職于外一命之士受直怠事猶欲  
議黜矧以尊位重祿受寄一方惟便身圖甘心禍  
衆者乎受人之牛羊而為牧者必為之求牧與與  
豺虎至而噬之不惟不救而又惡聞其說司牧之

職有人心者恐不爾也平時有纖芥之功則妄自  
張大以徼陞賞至於僨事則百方彌縫曲為防蔽  
臣愚竊以年來邊事之壞未必不由此等撫臣致  
之也且民之於上疾痛疴癢情不相屬則勢不相  
維地方殺人如麻以一身之故槩不之恤千百  
含冤之衆是即殺之假手於賊爾之利已殃  
民至此義士猶為扼腕若邊氓無識之輩忿怨已  
甚控訴無門與其坐以待斃孰與輸心脅從以延  
旦夕臣恐經時漸久逋逃者衆賊藪日滋失今不  
圖異時雖百倍其功不足以成一有失事則兩地

職司皆應參究 貽之感而使人受其辜雖有顯  
天之冤將誰與愬以若所為縱迹顯戮恐不免為  
陰報也臣又聞 之為人急於富貴而已近來木  
務方殷奉

明旨湖廣川貴巡撫都御史着久任 旦夕缺望報書  
與彭 率多怨辭遂寅緣改職督工

顯陵以為捷徑故於地方緩急一切不在其心去歲雖  
以酉陽永順交構節奉

明旨着都御史陸 劉 各親詣交界地方從公會  
勘明白 亦不碩數月之後量移步荆州委二三

指揮等官代事不見如何歸結夫以

明旨切至者尚如此今日之役屬司之言宜其不動心  
也有臣如此即司

陵工欲其效忠宣力仰承  
陛下達孝之誠得乎臣近觀

聖諭今夷犯華若蹈荒原可見此時內外臣工通小  
民如身視國如家

聖人之言真指病入髓 其一也 之為人若此即與  
共事亦未能為有無但其為已心勝新任巡撫車  
純至日必復口傳心授純或因循臣雖與彭 會

題終為無益地方將來之患有不可勝言者矣臣奉命逾年曠官罪過其釁不一弗閱于躬惶恤于後誠為過分然事關地方切務近有所聞據得其實不敢緘默自同非類伏乞

陛下普萬里之明嚴伍罰之斷將陸 蚤  
賜罷斥以為大臣負

國不忠罔

上殃民之戒

勅下吏部另推部臺忠勤卿貳件事

陵工韓 雖已去任應否處分或姑准戒飭亦惟

聖裁再乞

陛下念邊氓之倒懸戒有苗之未格

勅下兵部將臣與劉 會

題叛苗應剿事宜詳為議處嚴行兩省臺臣協心共事務底成功毋蹈往轍種禍邊防地方幸甚臣不勝幸甚

為附郭宣慰調兵行殺斬權越占糧馬地方抄虜人命兩省得聞免苦疏

據貴州按察司會案關司轉呈到臣案查前事該臣接管未完卷內催據前因除將土婦黃氏等各

起已勘并迷杓等未明事情仍行該司從公處分  
再勘另報安萬銓等行令聽參外臣會同巡撫貴  
州等處地方兼理軍務都察院右副都御史劉  
叅照貴州宣慰使司致仕宣慰使安萬銓見任宣  
慰使安仁本以醜夷為惡巨擘黷貨生事志已上  
侵貪地殺人歲無寧日縱惡目賣兵頂營之司舍  
人財盡為煨燼萃叛徒淵藪阿氏之部落男婦比  
屋空虛越古里之界強立私莊久逋糧稅吞寨之  
地殘害非命威逼順從受阿架投獻仍害其父子  
貳命以滅事因納安氏金馬故縱其頭目出費又

騫西土即其致死無辜已逾數百計其負匿額稅  
不止壹年他如隴時康無故淹禁頽剛等構訟盈  
庭率由其陰謀不逞以為之階雖屢經事主  
奏告及節次三司會參尚敢怙終不悛稔惡如故人  
犯易棐等係奉

欽依提問久占恠而不發指揮楊勉等既承差遣催報  
敢拒捕而毆傷况安萬銓姦收兄嫂而穢名久彰  
近荷

恩封罪應追奪安仁擅開礦場牟利巨萬  
止供課稅法應入官祝

賀儀節仍廢不脩查問文移視如故紙凡此數端特據  
臣等查勘見在者爾若其包藏禍心物議洶湧百  
出姦計巧於彌縫又難以枚舉也即今不為處治  
竊恐安萬銓姦老愈張安仁習成難制民怨已極  
諸夷效尤官司因循綱紀廢弛將來地方之害未  
易盡言誠有如諸司會議所及者如蒙

皇上俯察邊境未寧之故姦惡梗法之由乞

勅都察院再加詳議將安萬銓等各項違法事情行臣  
等會同提問如律奏

請定奪庶使羣民冤抑久而獲伸諸酋鑒戒深而讐服

旨  
矣為此會本專差承差鄒浩齋捧堊題請

為比例開廩均作養以勵人才疏

竊惟貴州一省地僻西南民皆夷獠綏柔安輯興  
學為先自洪武永樂以來漸次設有府衛州縣儒  
學詩書禮樂之化無阻遐荒秀茂忠愨之才亦間  
襄然奮出遭值

聖明中興因時隆化亦用先任貴州撫按官奏  
請將貴士先附雲南省城鄉試特為開設本省以鼓舞  
士氣開科之初即連捷會試一入故武職土官宗

黨部下之秀益思奮勵進脩以蘄脫穎科目隨在  
衙門充滿學宮考其行藝皆有可觀惟府州縣學  
開廩之制久視中州而衛學優等之士隨資貢舉  
號稱虛廩未霑斗粟人才無別作養稍殊誠一方  
缺典仰體

聖明育才化夷至意所宜急推廣以盡作新者也及照  
貴境叢險之區生理蕭條在學之士十室九貧宵  
肄晝營朝夕是急甚為可憫前項廩糧似應同體  
一况經該司查有湖廣偏橋等衛學設廩事例及勘  
合衛倉糧拮據頗足伏望

皇上弘並育之仁憫寒微之苦

勅下該部再加查議將清平普定等一十三衛比照前  
列每學設廩二十名先量行月支廩米肆斗除普  
定安莊清平畢節肆衛於各衛倉支給興隆赤水  
二衛於附近黃平白撒二所倉支給其威清平壩  
安南烏撒龍里新添平越七衛造冊於布政司折  
糧銀內關支回衛給散仍候倉糧充裕照例與各  
府州縣儒學一體支給則不惟節屋寒士進脩有  
賴

文治丕冒西南夷俗亦將盡化中州矣為此會本差



承差張曠齋捧謹題請

旨

乞

賜名臣恤典以光存歿疏

臣原籍浙江台州府太平縣有已故原任刑部右侍郎林鶚初爲本府黃巖縣人由景泰辛未科進士任御史歷任鎮江蘇州二府江西按察使左右布政使至兩京刑部右侍郎自發身以迄身故更歷中外三十餘年始終無玷其行已守官之可名者臣不敢一一備舉其大而可據者曾荷

憲祖皇帝諭祭有云存心正大操履端方有守有為賢聲日著又蒙

先朝采錄列蹟在名臣錄中皆可考見鶚之得此瞑目已久然其後有過分之望者竊念

國家忠厚貽則優禮大臣贈官謚蹟以榮死生咸許陳乞柰何鶚之在官甚約遺後甚貧子孫子立去京萬里無因可希延至于今乘間屬臣且以臣之祖母林氏即鶚之女昔嘗以其故母淑人王氏之意屬臣之祖崇賢臣父相但臣祖官止知州蚤年以病致仕臣父草葬之跡遠未至京意始發端而

燕石集卷之一  
林氏已故逮臣叨荷

國恩濫登進士臣祖臣父又以林氏之意語臣臣以一家之私不當先在公之急含情十年未敢啓齒臣祖崇賢近亦故矣目今兩家三世情之所劇者寔在臣父之心與臣之身不容自憇况臣遭逢

聖明濫授臺列狂瞽蕩蕩亦得自獻輒敢代為陳乞雖為瓜葛餘裔之私亦臣仰止先達思以砥礪之念然是舉也臣不敢漫為援附直以鄉邑之所覩記比類言之臣之同里有原任禮部侍郎謝鐸在武廟時叨贈本部尚書謚文肅鷲之同時有工部侍郎

黃孔昭近荷

陛下厚恩追贈禮部尚書謚文毅若以二臣槩論其世鷲之標致名實猶有出其右者輿論未泯臣不敢佞幸賴

陛下覆載之仁不遺枯朽乃敢以其數十年之缺陳一時之情伏望

聖明俯垂容納

勅下禮部揭查故案及名臣錄備得林鷲歷官之實果有可取請自

上裁賜以贈謚所謂一字之褒榮於華衮多矣

陛下恩同雨露澤及枯骨鶚則榮若更生臣則光于後  
 死若或死者已遠無知圖報凡在臣工又孰不為  
 同類感發而生死骨肉之念芹曝銜結之忱臣與  
 林氏子孫世世均矣然為姻戚之故祖父之私冒  
 罪上千臣無任恐懼萬死  
 為患病不能供職懇乞

天恩放歸調理以延殘喘疏

臣原籍浙江台州府太平縣人由進士歷陞廣東  
 道監察御史嘉靖二十六年十二月二十六日蒙  
 欽陞授前職領憑赴任間嘉靖二十七年三月初三

日行至直隸淮安府邳州地方忽感吐血病證六  
 日夜不止沿途覓醫生朱子貴等診治未愈本月  
 十四日至揚州府高郵州前病復作轉加沉重又  
 覓醫生張大機等診視連用下血等藥嘔吐稍止  
 延至本年四月十五日又因過江遇風驚悸飲食  
 不進內損愈多心神怔忡氣血虛耗去死無幾臣  
 欲勉強赴任則羸備不支欲遷延調攝則官程有  
 限臣之進止實為狼狽况自得病至今已三越月  
 例難自緩且危疾之後非藉歲月休養勢難求生  
 臣以憂危切衷輒敢陳情懇乞伏望

皇上憫臣旅次瀕死之軀察臣危苦迫切之狀  
勅下吏部照例放歸調理倘賴

聖恩竝育臣之喘息幸存則隕首圖報尚有來日臣不  
任俯伏懇祈之至

為患病不能供職再乞

天恩放歸調理以全殘喘疏

臣前任廣東道監察御史嘉靖二十六年十二月  
二十六日蒙

欽依陞授前職領憑赴任間嘉靖二十七年三月初三  
日行至直隸淮安府邳州地方忽感吐血六日夜

不止沿途覓醫診治未愈至本月十四日前病又  
作轉加沉重續於揚州鎮江二府寄住調理凡兩  
月餘緣內傷太過血氣俱虛醫藥多方十無一效  
雖僅存形骸而羸憊已甚實難赴任已於本年六  
月初一日具本令義男趙四抱奏乞

恩放回去後延今病勢未退一勞輒發恐一旦身先犬  
馬遂填溝壑客境遊魂啣結無路且以調攝愆期  
曠官廢事又恐天譴人尤雖死不足償責用是首  
丘之懷旦夕切中寢食不寧臣不得已冒死再陳  
伏望

皇上矜憫

勅下吏部蚤賜放回倘得苟延旦夕皆賴

陛下生成之恩病痊之日當即赴部聽用以盡犬馬之

勞臣無任恐懼待

命之至

為自陳不職乞

賜罷黜以荅

天戒疏

准吏部咨該廣東道監察御史唐

題為仰體

聖心陳未議以脩人事以隆

天眷事本部覆題節奉

聖旨是夕旱風驟

上天示警四品以上京堂官俱著自陳欽此欽遵備行

到臣仰惟

皇上至敬格

天深仁配地四海蒼生罔不欣戴近以旱魃為災上聖

宵旰賑施禱祀靡所不周茲復

俯從言官之請伴臣等照例自陳真

堯湯憂民儆災之盛心也竊念臣一介草茅遭逢

聖明錄用歷階卿貳雖勉自策勵而才本凡庸事多曠

廢今復偶患時證開註門籍無能奉宣  
德意少效消埃夙夜省躬實深祗懼矧  
上天垂戒之日

皇上憂勤特至凡爲臣子引咎靡寧不職如臣者豈宜  
復容在任伏望

聖慈俯鑒將臣罷黜庶賢路無妨而  
天意可回矣臣無任恐懼待罪之至

爲懇乞

聖慈憫念地方災傷

俯賜停免額外加徵府第工銀以蘇民困以國邦本

節該欽奉

勅諭特命爾會同錦衣衛都指揮僉事萬文明前去彼  
處會同撫按行委隔別官員將伊王奏內事情逐  
一勘究要見所奏各官是否懷私扶害其李學先  
等十名是否逼打致死其脩理府第是否率由舊  
制并其餘各項事件及應叅應問人犯照例提取  
到官通審明實與龔情等原勘情節一併類招具  
奏定奪欽此欽遵

竊照伊王典樸本以親居藩服嗣承中土之封允  
宜世篤忠貞永法東平之善庶幾恪遵

祖訓思報

皇恩却乃志欲更張事多違

制妄信堪輿之術頓萌圖大之心駕言葺修擅行展拓  
城連百雉俄驚府第之崢嶸門創三重敢擬

天建之峻偉蹈春秋無將之戒昧藩輔謹守之規任群  
小之縱橫致流毒之滋蔓徇私逞暴則逼奪

郡府以及

先師之學宮歛賄宣淫則強娶室女以及已配之民婦  
率衛騎而出城賞犒殊駭聽聞挾銀錢而非禮邀  
遊尤乖統紀積愆具露

奏勘已行蒙

聖恩未即譴懲奉

明旨特加查勘尤宜感

乾坤高厚之

德意尊

日星炳煥之

綸音引咎責躬摠誠俟

命却又聽撥置而再三浮辨肆撫拾以掩飾前愆不候  
聖裁屢干

天聽既非臣子恪恭之義又違

祖宗訓典之嚴據跡原情似非小過伏乞

聖裁

爲人命疏

查得節年事例在外各

王府庶人有犯謀故殺人等項重情各該所司勘問

明白例該移文長史司具啓

親王知會拘禁聽奉今照齊庶人可澗等俱在南京

城內生長居住原無設有統領府位擅難拘束除

移文南京內外守備及南京兵部等衙門知會轉

行五城地方及各門把守官軍關防出入毋致疎

虞脫逃聽候叅

奏外奉照齊庶人可澗賦性兇殘秉心貪戾造獲

手謀殺無辜假人命而圖騙財物誣陷多端仗牙

爪而箝制官司士民共憤可湖濟惡朋謀逞兇助

毆暴橫素著於平時狼毒尤徵於臨事且其父子

兄弟招集無賴生事害人釁孽有年罪狀不一節

經事發巡城等處屢行叅送本部各司仰思派自

天潢肅以情犯稍輕未敢槩塵

宸聽悉從寬處今復謀殺人命誣害平民長惡不悛怙

終罔悟雖其事內情節稍有首從不同均於



祖訓有違

國法難貸再照

留都根本重地宜先意外之防庶人怙勢作威恐致不虞之慮相應參究以警將來伏乞

勅下法司再加詳議將可濶可湖各違法事情照例上請處治行臣等遵奉施行不惟根本之地居民賴以安生而宗室支庶雜處其間亦知循理守法矣

爲貪枉盜賊欺騙孤寡疏

參照南京東城兵馬司副兵馬指揮胡光弼庸司禁盜輒肆新貪擅受詞而徑行於外境輕縱賊而

納賂於私衙給主而指留贖物無異穿窬事發而退還賄財有靦面目官常大壞法紀難容掌印兵馬指揮陳丕謨闖茸庸才貪鄙成性平居則違例受詞多方漁獵臨事則巧計飾罪肆出彌縫久玷儒流深滋民害俱應參究并議罷黜再照五城兵馬任雖在內官寔近民事皆承委頃因稽覈稍寬職掌多紊不問告詞何屬率皆違例擅行有贓只充私囊有罪不登公案近日吏目許文煥受財枉法被叅脫逃與今兵馬胡光弼假公害人匿贓敗露至如陳丕謨則又衰年無耻貪墨尤甚者也其

餘見在各職雖難槩謂匪人但恐勸懲未舉嚴憚無由或有二三不才忝竊非據臺諫則以其職卑糾劾不及部院則以其期遠考察難行即便遇例而議黜之皆已滿意而樂去者矧又屬耳未悉漏網尚多社鼠城狐睚眦多詐虎視狼籍戾恣誰何是以同志相觀者稀而同流合汚者衆也合無自今以後南京五城兵馬吏目等官除因事發覺罪合叅究外其餘貪酷害人老疾廢事者行各該巡視御史廉訪得實比照在京近例每遇年終徑自叅劾議罷以飭有位庶幾稽察既備則淑慝自公勸懲既嚴則政事自肅矣

為中途患病不能赴任懇乞

天恩容令致仕以延殘喘疏

臣年五十六歲浙江台州府太平縣人由進士初任直隸鳳陽府推官歷陞廣東道監察御史南京大理寺右寺丞大理寺左少卿都察院右僉都御史左副都御史刑部右侍郎左侍郎南京都察院右都御史陞任今職伏念臣草茅賤品遭際

聖朝自筮仕迄今累荷

甄拔位叨六卿荐蒙

恩光榮及祖父感激圖報固臣之分亦臣之心也但緣  
螻蟻微軀素稟孱弱兼以攝生無術寒暑易侵  
頃當考滿赴京應酬奔走咳嗽經月比及事完回  
任行至河間府地方痰火盛作遂成痿痺左手與  
足癱軟不禁自坐卧之外跬步擲沐皆須倩人扶  
持沿途服藥絕無少效診諸醫家咸謂臣血氣俱  
耗濕熱積深良由感之既久是以發之遂痼休養  
調治恐非計日可瘳臣今赴任不能旅食不便進  
止狼狽殊無奈何只得陳情乞身仰祈  
聖慈

俯垂矜憫

勅下吏部容臣照例以疾致仕苟延殘喘倘臣犬馬陋  
質幸免即填溝壑則未盡餘生皆

聖恩再造之日矣臣不任祈懇仰望激切之至

爲中途患病危篤再乞

天恩蚤

賜放歸以全殘生疏

臣頃以今職考滿赴京陡感咳嗽不止比及事完  
回任行至直隸河間府地方痰火盛作遂成手足  
痿痺之疾沿途覓醫服藥無效臣因赴任不能旅

燕石集卷之一  
廿八  
食不便輒敢陳情仰乞

天恩容令致仕以延殘喘先於本月十五日具本令義男趙節齋捧奏

聞去後臣今輿疾在路頓撼莫支兼以夏日向炎外感內傷前病愈痼矧啓處因人皆所未便不得不氣鳴於

君父之前也伏望

皇上憫臣危苦之情

赦臣干冒之罪

勅下吏部

蚤賜放歸以全殘喘臣雖無由效犬馬於當年尚圖啣結於來世矣臣無任仰望懇切之至

爲宿疾未痊不能赴任懇乞

天恩仍容在籍調理以圖補報疏

臣浙江台州府太平縣人由進士歷陞前職嘉靖四十四年內赴京考滿在途感患左足痿痺乞

恩致仕過蒙

先帝垂憫准回籍調理至今隆慶元年五月二十六日准吏部咨爲缺官事該本部題奉

聖旨趙大佑着復任南京刑部尚書欽遵備咨到臣當

即力疾望

闕叩頭外竊念臣草茅賤品遭際

聖朝進叨

作養之恩退荷

生成之德祇緣功微祿厚福過災生消埃未酬深慙

自棄詎意痼疾委頓之軀復蒙

聖主求舊之及榮幸自

天惶悚無地但臣攝生寡要久嬰前疾感之既痼療之

甚難故自得

告以來塊處村墟向未能一至城府幸當

至仁御極之世

錫福庶民之時臣家有父相母王氏竝年八十餘歲桑

榆風燭喜懼關心病子衰親相依為命臣若一旦

扶疾遠離則情事甚苦而甚難又非敢專為身計

者矣用是銜

恩流涕冒罪陳情犬馬微衷何由

上達

皇天后土實所共臨伏望

皇上推

先帝始終之恩全

覆載生成之澤

勅下吏部容臣照舊在籍調理前項負缺別選才力相應之人以克任事不惟臣賴以延生圖報有日而臣之父母待盡餘年亦皆荷

洪恩再造矣臣不勝激切忻懇之至

為宿疾未痊不能赴任再乞

天恩仍容在籍調理以圖補報疏

臣以前職養病在家隆慶元年五月二十六日接得吏部咨文仰荷

皇上復臣原任南京刑部尚書臣聞

命惶悚感激無涯犬馬之分即當趨承祇因舊患足疾未脫步履艱難不能赴任於本月二十八日備由具本差義男趙心齋

奏乞

恩容臣在家調理去後續據邸報本年四月二十日又蒙

皇上改臣南京兵部尚書叅贊機務臣自念病廢里居實同朽腐詎意誤蒙

天恩拔擢至再臣何幸有此遭逢雖竭消磨無可報塞萬一但以部曹非卧治之地尚書非冗員之比矧

委任愈重則

聖恩愈隆臣若扶疾就列愈至廢事曠官欲俟部咨至日方行陳乞又恐日月耽延益用惶懼為此再歷  
悃誠仰干

天聽伏乞

皇上憫臣不得已之情原臣不幸之罪  
勅下吏部容臣仍舊在家調理以延殘生臣雖未得效  
犬馬於當年尚圖啣結將來世矣不勝激切仰望  
之至

燕石集

赤城居士方厓趙大佑著

按貴

奏議

一興學校臣看得貴州試場創設文運欠振各該  
府衛自

國初以來雖例設學校緣邊方教學之員率多未  
稱士子因循聞見益寡學問實踈及考各府衛  
諸生講作率多記習舊文謾無肯綮除詣各學  
驗有傾圯者隨宜修理及審各生中間果有極

貧者量行資助外竊惟人才興起恒由乎上有  
鼓舞之機動變神捷又係乎居有相觀之益查  
得省城提學道分司東西二畔舊有文明書院  
一座歲久頽廢案行該道建立號房四十八間  
將各各府衛考居前列生員各量取一二名或  
三四名聚之行令該道朝夕與之講解遇臣巡  
臨回省每半月一令赴臣親行考試以示勸懲  
自是諸生上有道德之儀形下多良友之砥礪  
志行文藝漸覺可觀而人才壘學校興舉矣  
一興哨堡臣照得貴州地方深山窮谷地勢險峻

况林木茂密諸夷雜處盜賊出沒劫掠無常臣  
接管之後查得省城北關外往往突入劫財肆  
行無忌盖由演武教場之西柳溝一帶北至火  
神廟接洗脚塘地遠空曠原無軍民居住使盜  
賊窺視道路乘虛臨城劫掠緝獲無策隄禦無  
方此其要害之地而關係非細臣案行按察司  
會同都布二司查議相應措處無碍官銀給與  
匠作人夫工食採斫木料就於彼處砌築臺基  
起立營房六十間居中建立樓三間兩隅小樓  
二座於貴前二衛查撥無房棲住軍人六十名



住宿往來巡邏哨守如遇有警隨即追捕即令盜賊知警地方稍得寧靜而軍民亦有賴矣

一清刑獄臣查得按屬衙門各該獄囚中間有文禁而罪輕者有待對無証佐者不論輕重一槩淹禁官吏漫不為之處分拘繫累月控訴無由間有飢渴不周旋成疫疾醫藥不及遂至墮身致干天和臣接管之後除三司并貴前二衛宣慰司各監囚犯清審外臣巡臨地方清查審得程番府監犯家屬劉永進無罪淹禁龍里衛擺站犯人陳表在監日久因病去塗身死案行布

政司清軍道將指揮賈純談吏任厚等究治招詳發落及案行守巡道通行各府衛州縣問刑官員人犯應問理者務要虛心鞫審即便問報歸結發落應追紙贖贖物數不多者召保營辦及見在監待對事無干証與原告三月之上不到者照例立案就行釋放寧家即今刑獄少清而人犯亦無淹禁矣

一禁鋪行臣查得貴州省城邊僻之地各衙門買辦物料俱屬鋪行其不費工力者尚可支持甚至修理衙門令用竹木亦令各鋪買辦工程頗大

搬運尤難况各衙門官員罔肯存恤應給工價  
逾年不與往往告乏誠為偏累不惟有損於民  
亦非事體所宜臣接管之後案行布政司及出  
給簡明告示將前項竹木鋪戶盡行革去如遇  
各衙門修理自行俱於產木地方照價採買運  
用如有奸徒詐欺官司指稱修理仍然派取  
衙門票取貨物不即給價有虧損者指名呈  
以憑究問仍令各鋪行置立空白簿一扇赴  
處印給但遇票取貨物曾否還價有無虧損  
要從實挨日登記聽候吊查即今官吏稍知

畏前弊可除而鋪戶少蘇困矣

一禁倉糧臣照得貴州各該衛分雖非有司可比  
一應錢糧頗多收掌出納俱係軍職其間奉公  
守法雖經年久始終明白志行卑下者未理簿  
書先思侵盜率由所司一人違法作弊無所顧  
忌臣巡臨查得威清衛指揮賈承祖支剩銀糴  
米一百零六石今次盡查亦無升合在倉平越  
衛千戶馬武亦侵盜銀糴米三百五十七石四  
斗零各侵盜之故情罪無異將各官叅  
題訖若不計處通行稽考則弊源終無杜絕案行

分守道將各衛見今盤過在倉米石除原委之外再各加委相應官一員共司其事一人專管鎖封一人專執簿籍出納相同互相關防不許困允私家亦不許折收銀兩已未完數彼此公署如有侵欺等弊一體坐罪自是狐疑相介弊清息矣

一禁侵漁臣接管之後照得各衙門問過一應紙贖贓罰銀穀等項第恐假公盡入私囊案行按察司轉行各府州縣衛所將每日受過告詞并合于上司一應批詞共置號簿一扇用本衙門

印信鈐蓋逐日登記開立前件曾否完銷有無贓罰紙米或情輕貧難不取供詞量情發落亦要明白開寫不許隱漏以俟吊查該臣巡臨威清普安二衛查得止將奉到上司批勘告詞開註簿內其自理事件俱各隱匿不行開報推原其故若非斷理不公必係侵費除將二衛掌印指揮張鉉劉欽行分巡該道究問外又經案行按察司通行各該府衛州縣掌印官查照原行將自理事件俱要挨年順月併入簿內以便稽查以驗各官勤惰如有隱匿從重叅究即今贓

蜀有稽宿弊漸革矣

一清糧差臣照得按屬程蕃都勻鎮遠黎平四府安順鎮寧永寧普安等四州俱係諸種苗夷間與軍衛屯堡及各處流商軍民人等典買田土倚勢富豪那移之弊百孔千瘡糧差影射累及貧民該臣巡臨查出案行分守該道將各府流商軍民曾買田地者盡行查出該納糧差若干務要糧隨田轉不許田去糧存影射差乏遺累貧民其有商賈在此買田產者俱令附籍當差如有仍然倚勢躲閃者各該府州指實申呈究治即今賦役均平豪強商賈不致影射而困窮夷民少蘇負累矣

一革公費臣接管之後看得貴州省城宣慰司每五日供應柴炭甚多固係常規但頻年征調夷民困苦供應浩繁尤宜節省除足用外餘剩之數俱應查給况夷民徵派已定不知裁省姑息其詳致使目把侵費需惠不及於民案行該司置立空白文簿用印鈐蓋發掌印官收掌如遇發出柴炭隨即登記簿籍照依時估變價俱解布政司貯庫作正支銷如有侵費從重究治即

今日用不致浪費而庫藏得充亦可少資助矣  
一革騷擾臣照得貴州本為邊地山勢崎嶇驛傳  
疲憊軍夷困窮况思石銅仁等府地方多事征  
調無休供應實難加以土司衙門假公營私濫  
起關文恒多差遣需索夫馬公差吏承狐假虎  
威凌辱官吏綁打夫牌甚至枉道騷擾深為驛  
傳之害除將泛濫宣慰安仁罰治及將擅騎驛馬  
承差李文星等究問招詳發落外案行按察司  
出給簡明告示曉諭并置循環文簿給發各該  
驛遞每遇公差人員到驛查經臣掛號者及前  
往某處公幹不係枉道方准照關應付若有枉  
道給假吏承倚勢衙索討夫馬凌辱官吏者許  
據實登入簿內申報究問即令人心知警言而驛  
傳亦少困憊矣

一清課稅臣照得貴州衙門多係軍民置買田土  
俱係買主徑赴所在稅課司告印文契該局官  
吏止將常稅解官其稅契銀兩相沿侵隱未見  
開報臣巡臨普定衛吊取鎮寧州稅課司文卷  
前來查出前弊除將該局官吏蕭鰲何清問罪  
發落外看得此弊非獨鎮寧州一局為然但官

吏交代不常事遠難以查究案行布政司將各  
該稅課司局查照所轄地方豐歉酌量軍民易  
買田土多寡每年每司局量增稅銀註為定數  
年終類解布政司即今積弊少革而稅課漸有  
增矣

一清客民臣看得貴州各該衛所每年歲用銀兩  
俱係官舍軍餘認辦近年以來征調不常民窮  
財盡支用不敷臣接管之後查得各該府衛州  
司寄住人戶多係江西川廣客民在於各地方  
娶妻買房開鋪合黨成群羅列街市動以異省

人民不認貴州身役諸差不科任其影射臣案  
行守巡該道查議除往來買賣無定居者不派  
外其有住定年久置有房舖在府州縣者不必  
徵銀令其與居民幫當火夫身後其在衛所者  
免其火夫之差每年每戶量徵白銀三錢與軍  
餘相幫以充歲用即今客稅少興而軍衛歲用  
少助矣

一徵邊儲臣照得貴州地方連年用兵征調靡常  
本處錢糧不敷率多仰給於他省近年以來軍  
民之負擔日甚加以川廣之解納歲虧遂致積

貯空虛緩急無備臣接管之後案行布政司將  
本省辦屯科秋糧并糴買稻穀商稅課程等項  
及川湖坐派起運本省糧料銀布等項俱自嘉  
靖十一年起各項每年拖欠未徵未解者通查  
到臣查係本省拖欠者嚴行管糧道其係川湖  
拖欠者差委都司經歷魏慶都指揮鄧良分投  
齎文前赴該省查追責限齊足起解原定倉庫  
上納若有奸頑包攬作弊從重叅究即今倉庫  
得以頗充而邊儲可備矣

一禁酷刑臣接管以來已將地方事宜次第舉行

### 外所有

憲綱開載禁約酷刑官員一節雖經有行但所屬官  
吏因循日久人心易弛以致徃徃斷理不公怨  
聲滿道且如近日烏撒衛倘塘站百戶秦輔擅  
作威福酷刑打死軍人尤自明已經具本叅  
題訖誠恐大小官員鞫問刑名追徵錢糧不能宣  
布

朝廷德意惟快私忿非法拷訊致傷人命不下於  
秦輔者有之非惟有乖憲度抑且致傷和氣案  
行三司轉行各該守巡兵備等道叅守等官及

各府衛州縣等衙門今後但遇鞠問刑名徵追錢糧等項俱要依法用刑事在虛心推究緣情求實果有違犯依律問罪如有違例酷刑殘害民命羅織成案者俱從重叅究即今各官知警而刑法不濫矣

一禁徵派 臣看得貴州一應錢糧每年上司止是照常催徵初無定與坐派數目所司易於生奸指一為十多收少解况有未奉明文擅自科派者文案無據積弊日滋臣接管之後案行按察司轉行二司每遇行派各府衛州司等衙門一

應錢糧先行派定文移用真楷大字錢糧數目用印鈐蓋寫完無押差該吏親齎赴臣處掛號方許發行照數徵解如無掛號者即便申呈查究不許隱匿奉行其所屬衙門若遇起解錢糧批文內將錢糧數目濃墨楷書大字用印鈐蓋亦赴臣處掛號方許交納自是坐派無增而多徵之奸漸可革矣

一清影射 臣看得貴州按屬吏員皆係川湖起送農民歲月既久結黨成群往往玩法欺公恬不為恠有見役而就彼置立基業者有起送冠帶



復來置業者有已經問革潛住夷寨者皆不還  
原籍專一在此出入衙門教唆詞訟以為生理  
原籍取差則云立籍貴州貴州取差則云川湖  
人氏兩相影射躲避賦役間有小民被害之甚  
不得已而赴告者則千方百計案候遷延固結  
朋儕傾謀排陷害衆成家莫此為甚又有通同  
同鄉流民積年包攬門阜斗級等役迎合作弊  
雖屢有禁約刁風未息臣接官之後案行按察  
司通行按屬府衛州縣等衙門將前項人役盡  
行查出除已就籍當差者聽其置產本分營生

外如有置立基業未會科差者悉令從實報官  
准免前罪并將見充門阜等役盡行革退即今  
奸吏群豪知所警懼而差乏不致影射矣

一禁庶官臣訪得官員賢否地方安危查得按屬  
文職官員科目者少中間自拔之士固不以出  
身易志竊恐昏懦不立者偶因寓職邊方遂不  
以政事為念延捱日月希圖陞遷甚至因晚景  
而為家計假公務以實私囊其巡司驛遞局所  
務庫等司職任既卑自處益不求索剋削以為  
常俸又况軍職官員自恃世官多不奉法姦盜

詐偽靡所不為罪過多端悉難枚舉誠為軍民之害臣接管之後案行按察司通行各府州縣衛所大小等門曉諭各該官員各宜自省其有清勤勵職奉公守法以安良善者俱以禮待其或仍然執迷不悟百計彌縫曲為掩護過為奉承剋削肆行全無顧忌者事發從重究治即今庶職知檢奸貪漸知悔悟矣

一先仁政臣照得存恤孤老仁政所先養濟院空在在有之臣巡臨程番府查得該府冊開自改群以來原無養濟院先年收有民婦尹氏一口

於城隍廟住止今已病故以後向無臣又巡臨安南衛查得該衛養濟院先年被火燒毀迄今未建其孤老男婦一十六名亦在城隍廟寄住臣看得城隍廟豈應以流雜之人寄寓褻瀆况管轄人民頗衆中間豈無鰥寡孤獨者今皆無一收養在官得非因無舍宇棲止之故是亦仁政未舉臣又巡臨威清衛閱得該衛養濟院宇俱係草房且地外高內卑水蓄洩濕之氣易以生疾昏墊之流復使寄居若此萬一不慎風火則有焚巢之苦日久寢食不免痿痺之病以為

惠養之恩稍為未盡一行程番府於本府一委  
按察司經歷薛幹於安南衛各城內擇一相應  
基地量起房屋五六間一行分守道將威清衛  
養濟院宇升其基土與外相平去茅易瓦以防  
風火及通行府衛果有貧窮無依之人結查明  
白具由申報收入存養即今筑獨得所而仁政  
漸舉矣

一均徭役臣看得徭役輕重小民利害切身前入  
立法固善但貴州軍衛應備夷寨宜預差有力  
役雇役借倩幫補不同銀有派丁派田商稅餘  
租之異若上無一定之則下有法外之奸臣接  
管之後案行分守道即查各府州縣各兵備道  
即查各衛所站堡每年談編差役若干歲用銀  
兩若干計慮周詳區畫定當使輸之官者各有  
定規而取之民者亦有定法如有賣富差貧多  
收少解據實叅呈以憑究問自是立法嚴明官  
吏不得輕重其手勞逸適均而軍民人等得免  
偏累之患矣

一禁庫藏臣看得貴州錢糧有限支用無窮若不  
立法清查難免無侵漁之弊臣接管之後案行

布政司及但有錢糧衙門將一應在庫在倉舊貯錢糧并排日收過米穀銀兩錢鈔等物盡數查出分別舊管新收開除實在布政司衙門每月終差首領官親齋赴臣處查筭遇巡臨地方差該吏齋送宣慰司及各府州縣衛所每兩月一次差該吏送查如有侵冒等弊從重參究即今錢糧有稽而欺弊漸可革矣

燕石集

赤城居士方厓趙大佑著

傳

蔡烈婦傳

烈婦姓牟氏名德助台之黃巖人處士業之女也牟故為邑大家而烈婦之主有德慧少從處士習句讀輒解大義稍長知孝弟言動有儀則雅善女工通書數處士嘗蒐其家自始遷來凡內外賢蹟可傳信者錄為世節烈婦視之曰吾宗之固如此一日外祖妣來就養家人起居以數輩獨在烈婦由是父母鍾愛

布政司及但有錢糧衙門將一應在庫在倉舊貯錢糧并排日收過米穀銀兩錢鈔等物盡數查出分別舊管新收開除實在布政司衙門每月終差首領官親齋赴臣處查算遇巡臨地方差該吏齋送宣慰司及各府州縣衛所每兩月一次差該吏送查如有侵冒等弊從重參究即今錢糧有稽而欺弊漸可革矣

燕石集

赤城居士方厓趙大佑著

傳

蔡烈婦傳

烈婦姓牟氏名德助台之黃巖人處士業之女也牟故為邑大家而烈婦之主有德慧少從處士習句讀輒解大義稍長知孝弟言動有儀則雅善女工通書數處士嘗蒐其家自始遷來凡內外賢蹟可傳信者錄為世節烈婦視之曰吾宗之固如此一日外祖妣來就養家人起居以數輩獨在烈婦由是父母鍾愛

異諸子及相攸得同邑蔡氏子旻歸之子旻故靜江  
宰守齋先生德器孫寔良士也甚宜其妻未幾喪其  
舅奉孀姑居姊姒間相子旻幹盡務學業綽有閨門  
之脩人咸宜之子旻選為縣學生名益起勤苦累居  
外今歲甲寅夏四月某甲子子旻忽遘疾自館輿歸  
既彌留頤謂烈婦自為計烈婦泣咽曰君不諱我生  
復何為翼日子旻卒烈婦抱尸哭屢絕復蘇引刀將  
自盡姑力止之乃遂斷髮狂仆不食而死事聞遠近  
無不傷之烈婦之宗在茅舍年亦余婦族足跡亟至  
焉觀其地三面崇山北引大江茂林沃野多恒產其

居處率任質教尚行義有輕仕進重辱其鄉之心故  
其俗厚而代有令人間嘗審余婦稔知其家故多內  
教

贊曰烈女婦與烈士同然賈生謂烈士狗名當其死  
猶或未善道者有之乃若婦德從一不渝舍生以卒  
事正矣余讀詩三復葛生悲烈婦之厄以彼其志且  
賢得良人事之何用不臧而止于此比觀易象家人  
男女正交相愛焉由是言之子旻子之所養又可知  
於是乎重悲之

迂江病叟傳

迂江裔出伯陽徙自甌叟名某字曰某少失慈侍即  
抗志憂危自拔尋常相其父克家以裕父在掾念叟  
幼無依盡斥其財存嗣叟經理不爽節目後以家累  
不支當析居三復普明涕泣以諫兩奉繼母孝事竭  
力比長居然老成人業舉子濩落不如志或人勉以  
簿書曰才力缺敗就近小以免里閭羞可矣遂掾寧  
海再于天台寧海嘗司邏捕獲盜徒數十人罪當死  
徒暮夜入賂求免叟曰何為抑法舞文吾與爾等明  
刑不縱爾自圖之徒因轉他計逃去官法論渠魁竟  
抵二人如其言天台尹劉俸尚能吏結意以待叟至

以六事要說大致謂厚風俗清錢糧祛宿弊省冗費  
革詐冒重仕官為縣先務尹與語大悅次第舉廢收  
其功鄉評賞之無論遠近三年無間寧海祖某公尚  
高年無恙叟奉二親事之貧不廢禮語人曰父母在  
不遠遊吾已矣夫既乃決意立園舍刀筆治生耕讀  
居俟養命有令子六自師之因設義塾里中來者弗  
排貧子若孤雖束脩不入由是教與風行洪器遂有  
才名餘及其同異子姓皆能自立一祖二親以及其  
身皆以考終於是見天道不旋踵偃息迂江肥遯玩  
世自視歔然人號可忍先生嘆曰學道不能行吾老

矣因自名病叟賦詩見志亦曰病言  
贊曰孔子以善人不得見思見有恒後之人又惡聞  
無好人語豈其士生時世不同聖賢言意因之抑亦  
有為哉先生用晦貞其志守其身任公不為私居老  
不易初論其世當居恒士之右與君子尚友始於鄉  
信斯德之不孤以君之賢尊鄉者弗之及天下士豈  
易識哉老子曰知我者希則我貴人未聞道而遂誣  
十室非吾之所知也

燕石集

赤城居士方厓趙大佑著

序

霞溪詩集序

余少侍先大父道州太守太守年七十時得諸所贈  
言為壽凡數十家周覽至霞溪先生輒心賞焉曰人  
也小子識之余時業舉子未解所謂既而受室年氏  
始得聆謦欬今三十年來余承乏以適四方之役先  
生所蓄日益多所著日益肆而尚未之見恒往來  
余懷也昨歲乙卯先生自輯其篇什以書抵京師曰



矣因自名病叟賦詩見志亦曰病言  
贊曰孔子以善人不得見思見有恒後之人又惡聞  
無好人語豈其士生時世不同聖賢言意因之抑亦  
有為哉先生用晦貞其志守其身任公不為私居老  
不易初論其世當居恒士之右與君子尚友始於鄉  
信斯德之不孤以君之賢尊鄉者弗之及天下士豈  
易識哉老子曰知我者希則我貴人未聞道而遂誣  
十室非吾之所知也

燕石集

赤城居士方厓趙大佑著

序

霞溪詩集序

余少侍先大父道州太守太守年七十時得諸所贈  
言為壽凡數十家周覽至霞溪先生輒心賞焉曰人  
也小子識之余時業舉子未解所謂既而受室牟氏  
始得聆謦欬今三十年來余承乏以適四方之役先  
生所蓄日益多所著日益肆而尚未之見恒往來  
余懷也昨歲乙卯先生自輯其篇什以書抵京師曰

僕少有烟霞之癖丹鉛之勤自同于魚蠹以偃息咀  
濡文字間今茲既衰而倦于勤吾將扁舟烟水之區  
而僭簪于台鴈之麓碩囊無長物為出疆之載孰與  
先於所往千里乞言亦惟君是知我者嗟乎丈夫子  
生當平世得其志則出而成事功垂名汗竹以遺思  
後人不得則傲睨浮雲陶寫靈性惟一丘一壑自娛  
日以不足殊涂同歸于不朽焉耳先生以布衣處窮  
谷含英茹華遊情物象能自得師于語言之外而不  
越乎尺度矩矱之中固已蔚為作家雄視台南諸社  
矣予何言哉夫言行之表也詩心之聲也當年来世

之士跡而求之斯其人不亦可尚交乎詩曰允矣君  
子展也大成先太守誠知人哉予亟不獲知己之讓  
因述其宿昔所由為序序曰先生名某字某姓牟氏  
號霞溪所著凡幾十卷其賦擬騷詩古選宗漢魏近  
體宗杜歌行兼收李云

京畿道同事錄序

論者謂是役事襍而情多求備則煩弗躬則弛難于  
適中予承乏來得黃子若干人多相事之良乃申之  
以告昔王制歲終百官以其成質於三官以達於天  
子周官八法六職分政而三歲之考六計之弊而二

宰寔參伍之。今制官守述職考課外復置司照刷  
內外一致而京事不攝且以三歲之成質於一時在  
昔三官少宰者以屬憲臣之末職專而劇過則盡人  
之情不及非盡吾之事如之何夫政貳則敝敝生於  
情小大由之執法議其後大致政舉欲一情舉惟中  
我雖不備子勿弛之是吾志也既即事踰時比比來  
復已乃退曰由君之言具有慙德予繼之為力倍其  
日會 朝廷方以 廟制新 恩肆赦中外庶司遇  
除舊之令咸情輸以質焉得告成事弗能盡吾卒不  
敢盡其情他日諸子序其年列其名氏若字與里為  
錄為同人屬予以言夫貪天之功予亦慙於論者何  
言哉無已則久要以通志云

題周廣居先生交游卷後

僕自與一書君善以君質直亟見論文襄之世擬以  
君志行多似其風與今時貴介若異然度必有入焉  
培發於述作之間以引勿替不爾何其傳之真而風  
之遠五世將不艾也今年春又會君石城君領郡符  
將入廣走問行理見茲卷焉以問廣居君曰吾祖而  
文襄子也吾為爾亦曰見元賓之所與焉及諦卷中  
皆先生舊交與文襄故人手澤如右數公槩為

先朝名卿元老其取舍好惡寔當時民望先生與之  
遊豈忘勢不諂彼亦下交不挾者與况能不席文襄  
之勳自以簽身兩貳州郡又能不取諸公之勛績滿  
名成考終以令以承清白裕後人是固培發於述作  
之間者也不其大用以顯遇不遇勿問也君也傳之  
具而文襄風之遠也固宜譬則水焉若考淵厥子維  
瀾君今斯滔滔矣且君秉志藐說公卿有年視君如  
廣居者嘗幾如此數公又幾也遇不遇宜何如也君  
勉乎哉夫天不盡文襄之報畀之廣居而益光廣居  
不究其施又益之以君而合志乃所謂積善之家必  
念爾祖聿修厥德我之謂也

題醉醒集

邑子王田王君佺著是說入兩都間有年矣術家者  
流咸推轂其書而君以瞽也怯於漫遊顧不能自售  
茲訪余金陵解其囊得是本初以口授人書其文多  
訛又錯簡覽者病焉間者謁余寅少巖葉公公與之  
語噐其言為諦而正之足可行世夫自卜筮二氏廢

而星命之說遂興直以其藝成也九流家不列于儒  
氏然用之占吉凶示趨與避以前民用而寡于悔尤  
宜亦君子修身立命所不可廢豈惟日者是資乃命  
梓人更其錢賦一章以送之還

愍忠錄序

愍忠錄何愍武君暉之忠也初武君佐幕于台居頃  
之倭夷擾海上入逼郡郊君受檄督戰兵潰死之事  
聞

天子愍焉贈卹之有加等吾台之人及其同梓里者從  
而為誄為辭又為輓以歌之哀榮兼識篇章盛張伯氏  
易與君嗣子尚賓咸圖為君不泯者斯愍忠所由錄  
也以事出台中謁余一言序之序曰 國家又寧久矣  
吾浙之東薄山海而居民生飽食偃卧不識戎馬何  
狀有司者理爭訟致期督歛以實公庾外則宴禮過  
賓狎絲竹以樂無事為常度及猝爾變生蒼黃驅不  
教之衆制挺而出嬰銳鋒其善潰無惑也君以業文  
吏又幕僚耳戰陣非其素也被檄輒往力不敵迺竟  
死之噫良可愍也余覽載籍徵諸近事其有身都顯  
頌握重柄以狎分閫一旦臨小利害屏息惴惴重視  
其身若丘山曾不自以為憂至如以死動事者亦自

而星命之說遂興直以其藝成也九流家不列于儒  
氏然用之占吉凶示趨與避以前民用而寡于悔尤  
宜亦君子脩身立命所不可廢豈惟日者是資乃命  
梓人更其錢賦一章以送之還

愍忠錄序

愍忠錄何愍武君暉之忠也初武君佐幕于台居頃  
之倭夷擾海上入逼郡郊君受檄督戰兵潰死之事  
聞

天子愍焉贈卹之有加等吾台之人及其同梓里者從  
而為誄為辭又為輓以歌之哀榮兼識篇章盛張伯氏  
易與君嗣子尚賓咸圖為君不泯者斯愍忠所由錄  
也以事出台中謁余一言序之序曰 國家又寧久矣  
吾淞之東薄山海而居民生飽食偃卧不識戎馬何  
狀有司者理爭訟致期督歛以實公庾外則宴禮過  
賓狎絲竹以樂無事為常度及猝爾變生蒼黃驅不  
教之衆制梃而出嬰銳鋒其善潰無惑也君以業文  
吏又幕僚耳戰陣非其素也被檄輒往力不敵迺竟  
死之噫良可愍也余覽載籍徵諸近事其有身都顯  
頌握重柄以狎分閭一旦臨小利害屏息惴惴重視  
其身若丘山曾不自以為憂至如以死動事者亦自

不少其在司土專職勢固宜無他諉苟任非素位處  
下僚而能慷慨死事不辱如君頌吾指未多屈也雖  
然古稱忠烈壯夫豈樂其身遺虎吻博世名哉要皆  
能先事為備備至不支守死而善其道足尚也假令  
易地處君俾得專事分寄勇與謀合宜必豫有裨寇  
令圖何至坐令蠹類逼我邪夫人才盛衰雖與氣運  
上下亦由風聲未勸固自有方 朝廷崇獎忠義不  
遺位卑即君所自樹又燁燿可傳布如此異時史氏  
述義烈之蹟垂世不落莫者君奚讓焉余追思吾土  
誰不當嘿嘿於是役矧其家人主我三至遂為書之

頃者兩京比士尚賓與易子尚訓咸與計偕天道不  
遠人要亦視吾民觀聽以錫類于邦家由是推之褒  
忠考將不止于余言

赤城先生集序

赤城先生嘗自哀所著書以十千類為卷目藏于家  
其始得嘉禾沈氏槩梓之曰甲乙選篇既而王君廷  
榦謫貳吾台即甲乙稍廣之為七卷錄諸郡齋甲乙  
先生手定節取貴精鄙本襟貞質雌黃者或似是之  
大佑昔從先生仲子河得其全草錄置家笥屬海寇  
至燬焉頃承留臺之之過天台復得前鈔合甲乙與

郡本參列質校一是皆以先生手澤為的侍御會稽  
俞君汝虞好古而信先生遂圖所為廣其傳者夫華  
國之具六籍尚矣嗣是作者若林孰不自以爭雄方  
駕頌其品藻味旨邈之曠世恒鮮以聲氣應求即孟  
堅之於子長猶隘心焉先生學古成名當 憲 孝  
二朝全盛時稍試輒退遺榮以勵俗乃其履素貞方  
確然不入錙磷者又足以濟美先公而成危行由之  
立言名世非具有華實者邪先生嘗言李唐作家惟  
韓愈氏人文俱傳噫斯其自倫儼矣然退之起衰八  
代歷唐迄宋始遇六一為之知己以遂昌鳴至今先

生及未幾乃值吾侍御樂為暢發潛耀俾繼今作者  
獲覩其全具其於品藻契許殆速且長視昔所謂若  
翁海鯨繫星五緯宜必有辨於此云集凡正辭二十  
又一卷加別錄二卷為外集予以廣嘉禾與台之未  
備似是或寡而夏氏之故亦與有徵焉

空谷遺音序

吾邑故有文獻而無詩社社自月航海洲諸君作之  
而秋官海峯公以大家寔宗盟焉余自始仕至今十  
九居外在昔鄰國嘔詔肩隨之交所與贈處之誼雖  
不得亟相見承緒言間嘗得其所遺言與余之所私



郡本參列質校一是皆以先生手澤為的侍御會稽  
俞君汝虞好古而信先生遂圖所為廣其傳者夫華  
國之具六籍尚矣嗣是作者若林孰不自以爭雄方  
駕頌其品藻味旨翹之曠世恒鮮以聲氣應求即孟  
堅之於子長猶隘心焉先生學古成名當 憲 孝  
二朝全盛時稍試輒退遺榮以勵俗乃其履素貞方  
確然不入錙磷者又足以濟美先公而成危行由之  
立言名世非具有華實者邪先生嘗言李唐作家惟  
韓愈氏人文俱傳噫斯其自倫儼矣然退之起衰八  
代歷唐迄宋始遇六一為之知己以遂昌鳴至今先

生歿未幾乃值吾侍御樂為暢發潛耀俾繼今作者  
獲觀其全具其於品藻契許殆速且長視昔所謂若  
翁海鯨繁星五緯宜必有辨於此云集凡正辭二十  
又一卷加別錄二卷為外集予以廣嘉禾與台之未  
備似是或寡而夏氏之故亦與有徵焉

空谷遺音序

吾邑故有文獻而無詩社社自月航海洲諸君作之  
而秋官海峯公以大家寔宗盟焉余自始仕至今十  
九居外在昔鄰國嘒詔肩隨之交所與贈處之誼雖  
不得亟相見承緒言間嘗得其所遺言與余之所私

淑輒想見顏色出心神以擬之歲焉歲月已積篋笥  
既盈青簡尚新頌其人存歿矣愧無口號紀之乃  
拈余所得于諸家者合若干首人自為卷授于梓工  
海峯堂稿已傳茲不復錄錄自社始尊鄉也以余鍾  
於諸老雖其時有先後所就不一要之皆能養恬阿  
澗脫誕紛拏喧逐之場而以言志自適所不愧于前  
脩豈惟其辭可珍哉余既辱諸君之嘉賜而不敢以  
虛拘也梓成取詩人毋有遐心之義而字之曰空谷  
遺音

散軒遺稿後序

公之世也固志性成故其所發皆自適陸軻今之尚  
音調拘韻格若擬人聲貌而置其胸中所主雖或稍  
讓至其浮雲世態貴白永矢能自肩于李杜賈孟流  
輩凡幾何夫詩以言志惟其有之不必備亦足以發  
故不嫌作好梓之附內舉之義

跋重刊弘治浙江壬子試錄

弘治中是科吾浙所舉士卒為名卿元老炳蔚相望  
者數輩海內至今稱盛焉當是時佑之先子諱崇賢  
亦幸附于群英之籍錄歲歲久漸蠹泯不可稽乃畀  
梓人鋟而新之遺諸通家以詔來裔夫天下之善士

始于一鄉矧文獻足徵竊比猶近且易按是籍者論  
世而方其人寧無尚友之志哉

燕石集

祭文

奠亡室孺人牟氏喪歸文

赤城居士方厓趙大佑著

維年月日夫大理少卿趙某以特牲清酒奠于

勅封孺人牟氏之靈曰嗚呼昔予從我兩載舊京今

我送子千里銘旌雉朝飛慈烏夜啼几筵斯陳靈

爽攸棲傷哉殊路宿昔音容魂兮來歸適爾故宮嗚

呼哀哉尚饗

北行告亡室牟孺人文

維年月日夫趙某將之官大理不及視孺人之襄事  
謹具酒饌而侑以哀辭告之曰自子之逝倏已半基  
今我來斯亦已月餘卜爾宅兆日月有時割情就路  
官守程期茲携季子愈同赴京師而以女淑托于子  
婦侍吾親以相依嗚呼孺人與我命也如斯不然何  
為生相遠而死且相違悲莫悲兮永別離聞不聞兮  
采此辭酌觴投淚情不盡而益悽其尚饗

奠亡室小祥文

維年月日夫都察院右僉都御史趙某謹以潔牲酒  
饌奠于

初封孺人牟氏之靈曰嗚呼自子逝矣歲已及期服  
子之制禮止於斯念子之情其何已時一官羈絆來  
寓京師袞袞侍我曰季愈兒幽明永隔相見無期子  
其有靈來鑒我思嗚呼袞哉尚饗

遙奠亡室入墓文

日月不居歲聿云暮來辰除日是子塋期携家族食  
無因送子故鄉萬里悠悠我思薄陳一奠聊展哀辭  
將子有靈永安真樓嗚呼袞哉尚饗

燕石集

赤城居士方厓趙大佑著

誌

亡室孺人牟氏墓誌

孺人諱德秀無字姓牟氏家本黃巖畝川里西崖先生之孫松石公之子年二十歸于我歸我十年以前官御史貴

勅封孺人又十六年而當嘉靖二十二年癸丑九月甲辰朔以疾卒于南京大理官舍距生正德戊辰得年四十有六明年甲寅余拜大理少卿孺人之喪以

歸卜是歲除日丙申塋金壘鶴止山之麓昔我先大父道州太守解組時含飴之愛獨余一人太守於西崖先生為中表間相見因見其不肖孫謬得在先生意中而松石公一女甚憐不輕予人既而媒往一言乃字孺人自富室來歸而余業舉子宮僅一畝孺人乃悉寫其貲裝治給余業食不重味衣布帛無紈綺由衣服飲食由執事毋敢倦勤太守家居嚴辨孺人奉重閨謹執婦道太守喜顧謂吾親曰得家婦矣遂救余毋得預家事竟以業儒起一經四仕而至今官食拍百餘卒歲以無凍餒咸賴孺人賢有相之道自

歸六年喪其父每念至輒愀然淚下毋安人林老歲時饑水土物供養不衰義方教子常贊余禮嚴師雖病猶強起治生視中饋祭祀賓客然亦由此得損致衰嗚呼此其人豈非富而能儉貴而能勤子孝婦道抑列女之徒與繼自今已矣凡百咸視于吾身視吾之不能乃知孺人之能高祖諱某別號誠齋曾祖諱某大父諱璠父諱某年氏之來遠矣鉅家以數十誠齋最大誠齋之孫賢以十數而西崖最雄而松石公又似之自公之卒其家政皆在林安人其女之賢本自世德而壺範有素又焉可泯哉四子安長次字又

歸卜是歲除日丙申塋金壘鶴止山之麓昔我先大父道州太守解組時含飴之愛獨余一人太守於西崖先生為中表間相見因見其不肖孫謬得在先生意中而松石公一女甚憐不輕予人既而媒往一言乃字孺人自富室來歸而余業舉子宮僅一畝孺人乃悉寫其貲裝治給余業食不重味衣布帛無紈綺由衣服飲食由執事毋敢倦勤太守家居嚴辨孺人奉重闈謹執婦道太守喜顧謂吾親曰得家婦矣遂敕余毋得預家事竟以業儒起一經四仕而至今官食拍百餘卒歲以無凍餒咸賴孺人賢有相之道自

歸六年喪其父每念至輒愀然淚下毋安人林老歲時饑水土物供養不衰義方教子常贊余禮嚴師雖病猶強起治生視中饋祭祀賓客然亦由此得損致衰嗚呼此其人豈非富而能儉貴而能勤子孝婦道抑列女之徒與繼自今已矣凡百咸視于吾身視吾之不能乃知孺人之能高祖諱某別號誠齋曾祖諱某大父諱璠父諱某牟氏之來遠矣鉅家以數十誠齋最大誠齋之孫賢以十數而西崖最雄而松石公又似之自公之卒其家政皆在林安人其女之賢本自世德而壺範有素又焉可泯哉四子安長次字又

次忠愈最少女一入淑也未字孫男二余將北征不  
及視襄事先期安泣請誌石嗚呼吾不忍書也雖然  
非死者無慙德安使生者無愧辭

太安人周氏墓誌銘

今歲乙丑余得告還過毘陵時浙江按察僉憲汪君  
汝達居內艱濡洩持狀詣余請銘其妣太安人墓中  
之石曰在母氏不敢自誣余再謝之不文未幾君復  
以使來堅其意先是君嘗令台之黃巖余桑梓鄰焉  
尋自戶部郎來僉吾浙之憲宦游南北與君心神音  
耗非淺也遂不辭按狀安人周姓諱淑貞世居南皇

闕武場之西考晟隱德弗耀妣強氏安人生有令儀  
其親鍾愛慎相攸而君之尊君贈戶部主事公幼亦  
嶽嶽不群君大父思梅先生聞周氏賢遂為婚之既  
歸主事公時為儒生家故清約安人相夫子養二親  
貧不廢禮宗黨無間言主事公雖連頓場屋安人益  
供內職贊其攻苦毋分心家政士輿遂起蚤歲不育  
晚得君嶄嶄露頭角主事公日令肄業安人脫簪珥  
市書課之嘉靖乙未主事公卒安人忍死治殮甫輟  
哭頽謂君爾父一旦棄我爾且未成立吾所不死不  
忍爾重孤也君懼旦夕力學為高等子弟丙午遂與



計偕安人泣下曰爾父賣志以逝天殆遺之後人爾  
宜黽勉無羞先人於九京癸丑君取進士令黃巖方  
寇殘燬餘君以迎養為患安人曰爾我命相依宜禍  
福爾共遂與俱來抵解州督君節愛字劓痍君乾乾  
奉教三年不敢貳邑人至今思之既遷地曹及分憲  
浙東安人咸在每視事畢入省安人得問所利民事  
輒飲食笑語異他日士論咸以汪母能用仁教甲子  
歲君當入賀奉安人歸不忍行安人勉送之勅勿  
念也君行竣役將過家安人忽以訃聞是歲九月一  
十三日也距生成化丁酉享年八十有八以子戶部

貴封太安人安人性慈惠好施有告急者必量力周  
之惟不喜飯僧主事公歿餘三十年追思未嘗不一  
日雖身已貴猶布糲無改于初少患膈暮年轉劇有  
能掇草以療者時草秋已枯療人又秘不傳君潛識  
一本植之庭遂叢生取服輒効而竟以壽終於是見  
天道不旋踵君卜葬以今年十月二十二日于龍山  
祖塋之側啓主事公窶合焉丈夫子一即汝達娶周  
氏封安人孫男一振宗聘昌化尹華顯甫女孫女二  
長適邑庠生莫堯封子廣西僉憲迂泉公孫郡庠生  
仁功次適宜興光祿署丞吳惟鈞子大宗伯文肅公

計偕安人泣下曰爾父賫志以逝天殆遺之後人爾  
宜黽勉無羞先人於九京癸丑君取進士令黃巖方  
寇殘燬餘君以迎養為患安人曰爾我命相依宜禍  
福爾共遂與俱來抵廨怕督君節愛字創痍君乾乾  
奉教三年不敢貳邑人至今思之既遷地曹及分憲  
浙東安人咸在每視事畢八省安人得問所利民事  
輒飲食笑語異他日士論咸以汪母能用仁教甲子  
歲君當入 賀奉安人歸不忍行安人勉送之勅勿  
念也君行竣役將過家安人忽以訃聞是歲九月一  
十三日也距生成化丁酉享年八十有八以子戶部

貴封太安人安人性慈惠好施有告急者必量力周  
之惟不喜飯僧主事公歿餘三十年追思未嘗不一  
日雖身已貴猶布糲無改于初少患膈暮年轉劇有  
能掇草以療者時草秋已枯療人又秘不傳君潛識  
一本植之庭遂叢生取服輒効而竟以壽終於是見  
天道不旋踵君卜塋以今年十月二十二日于龍山  
祖塋之側啓主事公窆合焉丈夫子一即汝達娶周  
氏封安人孫男一振宗聘昌化尹華顯甫女孫女二  
長適邑庠生莫克封子廣西僉憲迂泉公孫郡庠生  
仁功次適宜興光祿署丞吳惟鈞子大宗伯文肅公

孫邑庠生夢豹嗚呼是謂有母有子足以振俗垂來  
世即史氏女婦列傳奚讓哉銘曰

惟南有木以修以翹於惟安人閨閣之標坤德維  
淑徽音遠條篤生良胤以幹于朝伊昔斷機辨曰  
母師在漢京兆人有遺思懿懿安人式穀似之龍  
山之麓同穴在茲永厝厥裔視此石辭

中峰張公墓誌銘

嘉靖二十九年十二月十五日吾郡中峰張公卒于  
正寢季子春元志淑泣血狀其實以視某俾銘玄堂  
之石某與春元君雅有同年之好於公則年家子也  
竊名世德之末固所願焉而言之無文不足以闡幽  
貞信悠遠而義又有不可得而辭者按狀公諱鑑字  
仕重號中峰其先汴之祥符人宋隆興間六一府君  
倅台州悅赤城之勝遂家焉家之里為炭行人遂呼  
為炭行張氏曾祖大有祖緣吉父昱皆潛德弗耀母  
沈氏父生有異質幼年讀書過目輒成誦為文落筆

多驚人語亟為父師所竒嘗讀其從曾祖古學遺集  
詩有于今哀自南之句憮然曰續振先聲繫誰之責  
與乃矢志力學以毛詩補學官弟子兼取太極圖通  
書西銘及百家子史探賸研精成務心得由是茂有  
時譽就省大比監臨先試以月映萬川公喜論千餘  
言主司嘆賞嘖嘖曰異才可以上造大竒之由是名  
聲籍甚時輩莫敢與齒公亦自信功名可拾取既而  
累舉皆弗售然猶乞乞自許也及覩志淑有雋才公  
迺喜以自詫曰龍潛豹伏古怕有之吾豈復為有司  
拘束耶年未五旬遂超然裕遜與江風山月為侶矣

每旦登堂伐鼓課子姓以攻學業嘗戒志淑有言曰  
容身之外皆無用物也讀書勵行汝其勉之因授以  
春秋講釋大義專門者皆自為弗及公雖泊然供進  
而探索墳典若將終身故平生雅尚儒術不事生產  
又遭戊辰火家業益落事母沈則極力營辦不計有  
無晨夕周旋膝下以為常油油翼翼務得其懽心非  
終身慕者能若是耶配章孺人夙有內德婉成閭儀  
其助於公者亦如且多先公卒三十七年公痛念不  
衰遂弗繼室君子義之督學少湖徐公重其行移文  
如例冠帶郡守梧岡陳公介庠士以禮請賓御飲公

皆不屑就平居惟恂恂自處率真任質不猥隨于俗  
流其卒之前日正襟危坐與志淑論所宜尚賢者為  
求訣語又為諸孫訓正書字惺惺奄逝距所生成化  
甲午十月二十四日享年七十有七男子三長曰湛  
次澹其季即志淑領嘉靖甲午科鄉薦第一孫男四  
嘉賓嘉祐嘉宜嘉兆孫女一嗟乎自鄉舉里選之法  
廢也惟以言教身尚無嗜嗜披葉之詞以自致于科  
目則率不得大任由之閤才遠略闇然陸沉者豈少  
也哉吾今於公不能不三嘆云雖然脩諸已者無所  
毀蝕將異世弗可泯也况有子以續其志與諸自奮

何以異故曰德盈必伸不于其身于其後人公其瞑  
目矣又明年十二月庚申將啟章孺人窆奉公合葬  
于清化鄉之原尚友論世誠不可無述以掩幽隧敬  
為之銘銘曰

密彼雲矣 弗雨而霓 寔彼禾矣 弗食其實  
於惟中峰 壯觀乞乞 胡積弗施 弗離厥祉  
明明彼蒼 洵美厥嗣 不朽者存 惟公不死

燕石集

赤城居士方厓趙大佑纂

詩五言古

天台溪泛

驅車倦登頓水宿在河濱  
 亂山指歸路叢木何續紛  
 繾綣念友生臨流意彌勤  
 迅舟幾紆直揚帆逐餘曛  
 岡巒列異勢鳧鷖如同群  
 草深滋露色水迴亂風紋  
 平林月華舒中峰夜氣分  
 伐檀多結宇濯足滄浪濱  
 撫景既心賞素抱謝埃氛  
 孽洲一以睎他山為停雲  
 瑤席酌春浦幽蘭皆自芬  
 邈哉捐珮子排側隱夫君

送鮑觀瀾分教貴池便道南還

翩翩黃鳥鳴遲遲春日舒眷言懷同聲執手傷異居  
緩歌月下吟祖席城東隅山川阻言笑音塵曠居諸  
緇衣敝塵館傾蓋經里閭亭雲起天末歸鴈乘春初  
豈無平生親與子恒躊躇勗哉懋遠猷款情將素書  
弱齡寡外交雅志孰相許差池二十秋悲歡同逆旅  
贈言慰離索寸心忘爾汝丘園桃李樹春風今幾許  
一命司範模涉江望石祖斗柄指齊山波瀾滿秋浦  
瞻彼杏壇花榮榮藉時雨貞松生阿澗歲晚山中侶

贈張雷岡

并小序

雷岡張君裔出羽南先生先生在

國初為吾台高士辟至京師不受祿

賜還終養予每讀荆清稿想見其人邈焉曠世夫  
君固靜者也逸能思始得無其念乎聊短述

以訊之

委羽鍾神秀靈暉蔚人文殷雷山之陽聚族如春雲  
伊人少耿介結束違世紛琴書敦宿好花竹餘清芬振  
衣方丘巔濯足澄江濱悵望渺雲海陴側予心薰遺  
蹤誰得似高蹈羽南君

送林白峰下第南還

燕石集卷之三  
朝出城南隅望鄉東海涓驪車駕言邁擊袂立斯須  
梧臺眩燕石過客終見唾鄰人計已就夜光亦奚為  
彼美荆山子抱璞良自知差池萬鎰售辛勤三刑悲  
耳目互貴賤形色入璘緇至寶不隱世成名宜永譽  
勉勉南征吉終來清廟資

燕石集

赤城居士方厓趙天佑著

詩五言律

度括蒼

雨餘催曉發野色隔微茫碧澗浮花氣丹霞漾日光  
崎梁疑鳥道盤谷似羊腸屏息摧車念無勞問太行  
宿括蒼

停驂對林叟草閣淨埃氛嵐氣留衣座溪聲度石雲  
野碓雨春急村醪夜釀醺閒居此鄰竝清絕武陵分  
過嶺



披襟入深霧四山乳鳴泉人疑來異界身似向重天  
犬吠雲中舍農燒澗底田相逢試問俗共說古靈年

歸自京師先祖之感未暮

鷺車來間道拭淚慰吾親寂寞重闌地淒涼遠客身  
一經家食舊千里簡書新 來職曾無補箕裘媿後

人

憶畬川

余妻叔雲間檜泉竹岡三君子居焉

絕勝畬川裡幽棲可判年窓霏雲衰澗舍影檜臨泉  
竹覆緣岡路芝生蘊玉田方以季子再訂淵盟故云翻疑黃石在

悵望赤松仙外公已即世

又雪舟霞溪培萱蓮峯思貽皆余叔也

南州有高士閑跡鳴山西卧雪移舟榻餐霞據石溪  
萱逕春培藻蓮峰夜聽鷄龐公能遺後文獻足思貽  
辛丑歲九月廿日分宜道中值先祖暮辰有感

猶記含飴日能忘就傳年恩深遊子遠夢繞夜臺偏  
照眼寒花露含情野樹烟隴雲秋不散霑洒楚江天  
去歲長安信茲辰隔計青蹉跎逢忌日悽惻對江潯  
夕惕閒家意書香裕後心服膺千里道霜露九源深

月潭寺

恠石懸形敞寒漪映壁陰風塵漫流甜花木自侵尋

勒偈圍籬幌空林度梵音遠公會禁酒石髓慰吾斟

東坡寺

路有九淵關入中  
有石洞源泉殊勝

朱榜列層巒雲關已九盤烟霞過客晚牢落話僧殘  
洞隔沙門靜泉明法眼寬無生應有地翻憶誤儒冠  
未解三生語偶來雙樹傍講堂留慧月馳坂謝慈航  
何年結蓮社白日卧羲皇真性從縻廐悠然雲水鄉

人日

萬里逢人日三陽動使星條風回北斗湛露賦南征  
表樹岵夷宅璣窺玉管衡無頃占太史曝背喜新晴  
送李進士奉使還南昌省親時傳奉

昭聖皇太后遺誥

北道傳都使南宮屬譽髦殊方同歲晚念別望鄉勞  
官柳舒華節江雲襲綵袍錦堂春信近椒酒頌蟠桃  
介福歸 王母雲旌達素舒鷓分霄漢侶劍倚斗牛  
墟地紀經銅柱 天章白石渠采風多歷覽應報紫

宸書

穀日

人日喜不雨穀日亦雲消野炊更榆火春光逼柳條  
積貯將輸券問閭未索絢盤餐辛苦味誰與問簞歌

白石雲漫興 碧雲洞  
在善安

五嶽應無地三神亦有天石田惟玉粒漪蔓似龍涎  
薄暑衣重襲晴莎醉欲眠朱門金谷勝何處問平泉  
彷彿龜龜窟霏微雲水宮炮傳山鬼淚人嘯洞門風  
壁瓦升虛路溪疑下伏虹二三椽筆彥已點石屏空  
屋外千章樹春深百轉鶯勝遊常近郭幽事欲通名  
行色窮詞賦山靈識性情憑誰祁岳手為寫輞川并  
野烟低萬瓦反照歛重關稚子呼徒涉前禽晚倦還  
有地常來客無僧與住山竒蹤相引著乘興欲投閒  
逕轉緣溪曲城危帶月斜去鳧齊信馬落水韻盤車  
氣淨平蕪澤香含積露花却嗔歸路近客醉已忘家

庭樹翻樓翼高堂夜轉虛味餘雲子飯露濕紫荷裾  
絕境猶疑夢塵緣會有初買山東海上未惜盡檢書

題游渥卷

韓氏三  
世封誥

韓億家聲久司空始識荆名門惟素業華國本明經  
紫誥通三世玄圭近百朋龐公垂裕遠胤祚炳常星  
人日過田方伯飲

肆筵人日好勝地挹清芬水態含晴景山容帶晚曛  
冀吐臨軒靜梅香入座聞遠慙珠履客來對盃嘗君  
坐久不知夜夜闌情共賒風雲青瑣客松桂紫薇衙  
絃奏流霞調燈懸細雨花還看庭外樹蘭氣發春沙

別方司工

隔歲重逢話車書幾結隣相思問明月雲樹獨留神  
行李舟航路烟沙水國春將心分去住同恨歲華新  
送陳敏之兄還天台壽母

故鄉天姥下結束傍仙家萬里同袍久三春念母賒  
歌餘紫芝曲宴啓赤城霞仿佛瑤池會青鸞降玉華  
妻叔霞溪先生伯仲屢枉詩教冰宿晚望恨然

有懷

嬾息鮑流憇維舟睡晚霞幽期隨處得別恨與年賒  
夜氣含池草風音雜棣華相思未可見雲月共誰家

秋日偕諸弟遊聖水寺客有携酒至者越宿而

別

曉發石林煙尋山款聖泉秋聲紅葉裏野望夕陽前  
酒至餘玄度詩成得惠連冥心禪榻夜應結比丘緣  
宿草王孫墓踈林野寺鐘天分月窟界地即梵王封  
幽澗逢鳴鹿寒潭有蟄龍老僧三笑別留偈入雲松  
寄蓮山馬君

家食寡生計多君海上方身間尋粟里秋盡到菴堂  
聖水晨鍾飯冠山夜雨牀別來千里夢數與白眉郎  
別沈子積兄

干祿重周遊出門垂素秋貧交分管鮑賓從想應劉  
夢入論文酒心蘇對月樓平生懷土念於爾倍離憂  
張叅戎西川別業

三五元戎隊城西足勝遊風雲辭劍珮煙水識衣裘  
花映懸車室門多載客舟當年負韜畧亦向渭川幽

題錢司農洞泉圖

司農余按貴時所得也洞泉乃其居地

清脩草玄舍門外酒船過萬木幽通逕千山曲抱河  
雲中泉珮響月下洞仙歌問到皇華舊知君取數多

寄從弟健

結束青雲舍交承君子鄉竹林推大阮花萼忝元方

池草分衣綠庭槐入案黃春風五嶺外山海意何長

寄蓮峯居士留雲閣

西閣歲脩迥雲霞共卷舒溪聲旁舍靜林影動窓虛  
文用三冬足書傳八法餘還應載酒去重訪草玄居

送鮑處忍南還

仲氏觀闌余執友也同旅于京

鮑叔誰知已平生伯仲親身名蕪吏隱心事共儒貧  
雲樹他鄉別江山故國春行看東海上文采鳳毛新

咏柳亭小序

中舍葉君自歛徙家錢塘歛有昌山又名柳  
亭君別號因之不忘本也余訪之京邸庭樹

雙柳苑韻可愛為賦四韻

卜築昌山外招携又武林門閒有嘉樹客至共幽襟  
宿雨添春色流鶯入夏陰城南吹笛夜應識故園心

次韻答徐達齋大理二首

潯水春風座龍門幸早登旅征人望蜀恒代俗嗤丞  
江海時牽夢雲山自曲肱多君賦鳴鶴刷羽謝騫鵬  
明良歌世盛芟耜頌年登仁里東西舍名家伯仲丞  
緬懷于定國追述漢姜肱矯首三江外風雲護海鵬

喜雨

散髮青林外頽然若熟吟雲霓雙望眼隴畝百年心

雷送天邊雨涼生海上陰豐年知有願後復經虞稌

燕石集

赤城居士方厓趙大佑

詩五言排律

春日十八韻

羲御回青帝  
芒旛簇鳥師  
東郊馳輅轉  
南陸影圭移  
太歲惟王省  
司和屬女夷  
賞應班象魏  
未欲秉驛犁  
廟果嘗春薦  
宮花散綵枝  
卿雲三素合  
玉露八風宜  
蒼壁羣鳴佩  
青歌習舞旂  
省方初出震  
問俗遠乘誰  
啓蟄牛防喘  
明農土祠脂  
社榆修漢祀  
曆莢對堯時  
斲筮違陳力  
金睇綏聽辭  
淑芬千日酒  
盤味五辛絲

戴燕人爭勝懸羊公 癡月行多好雨凍解旋流漸

候鴈冰霜少遊魚尺素遲長安皓日表故國夢天涯

引雀行相偶攻龜數任奇兩京梅已發誰贈慰吾私

送施定之先生宰武平

棐李河陽令稟書單父衙職從民命重官本 帝恩

加王化原無極人情亦自嘉丹心堪保障青史足勳

華越水迎歸舫閩山待傳車榮分上林樹歡動故園

花闕閱流風在雲霄屬意賒雙鳧行色好清白本名

家

送任司訓赴宿遷

寧海人 治毛詩

風範胡安定清脩鄭廣文賓興三物教傳習四詩分

官舍臨淮汜鄉山望海雲春風沂水暖時雨杏花芬

講席餘琴瑟行囊舊典墳侯城尚友處消息繼前聞

正辛先生 初教漢中



戴燕人爭勝懸羊公 癡月行多好雨凍解旋流漸  
候鴈冰霜少遊魚尺素遲長安皓日表故國夢天涯  
引雀行相偶攻龜數任奇兩京梅已發誰贈慰吾私  
送施定之先生宰武平

桃李河陽令棄書單父衙職從民命重官本 帝恩  
加王化原無極人情亦自嘉丹心堪保障青史足勳  
華越水迎歸舫閩山待傳車榮分上林剗歡動故園  
花闕閱流風在雲霄屬意賒雙鳧行色好清白本名  
家

送任司訓赴宿遷 寧海人 治毛詩

風範胡安定清脩鄭廣文賓興三物教傳習四詩分  
官舍臨淮汜鄉山望海雲春風沂水暖時雨杏花芬  
講席餘琴瑟行囊舊典墳侯城尚友處消息繼前聞  
正奉先生 初教漢中

燕石集

赤城居士方厓趙大佑著

詩五言絕句

除夜旅懷

江總三朝客管寧一畝身體憐黑髮貴未似白頭貧  
 風霜問決明歲晏依松檜消息任真吾何事論榮悴  
 沈子積兄枉召山行率爾言別越宿去  
 為興懷輒成短述

相憶盼庭柯相逢春已過那堪分手處綠樹晚山多  
 十里桃溪路亭雲獨樓寸心江上草亦欲喚君愁

送陸戡陽還越

二首

期子白鹿城送子丹崖路我行歌且謠立馬春山暮  
亭雲雁山西東行復吳會嗟君四海人胡能久留滯  
別塾師管惕菴秋元

藹藹儒林彥看花孰占魁春風應有待列路贈與梅

送金長洲別館

送子度河橋歸程去不遙山中新酒熟看月待春宵

寄京邸友人陸君

征夫懷靡及野眺遠含情為報尋盟處思君春草生

燕石集

赤城居士方厓趙大佑著

詩六言

界亭道中

山路霏微欲雨石雲颯沓將風迎馬迴溪淥綠隨車

踈葉飄紅

黍菽畦分高下牛羊夕應傳呼長裾松陰野老息肩

水畔樵夫

林隱七松逕轉郊居二柳門間萬里王孫故國九溪  
物候他山

宿馬底驛

亭憩中林浙浙月生絃  
熾微微歲晚田家村  
卷夜深燈火柴扉

燕石集

赤城居士方厓趙大佑著

詩七言古

送姜別駕之任馬隆

斗酒漫為別出門天地寬  
丈夫多遠志寧辭行路難  
天姥凌層海東表碧雞西  
望連雲杪百轉詳柯嗟去  
來頻年旅食多吾台君行  
試問同遊客由來忠信通  
蠻貊

題松坡翁圖

白石歌殘黃竹老紫

深谷堪幽討千載逍遙偶鹿

燕石集卷之三  
翁三逕盤桓撫松好  
深丈人誰與居羽衣道士雲  
中書歲寒消息長相訪知爾遊心俱太初

燕石集

詩七言律

春節 賜宴午門

赤城居士方厓趙大佑著

蓬萊初獻海桃春萬舞傳呼集百神  
復道馳塵浮日暖禁烟縈柳拂墻新  
朱城御氣連東嶽紫極韶光直北辰  
湛露醑來思報述玉珂蘭省愧文紳

寄對竹軒居士

杜陵卜築餘三逕渭水分陰已萬竿  
風磴猗猗聽簫瑟草堂日日報平安  
殊自得奚囊舊近榻何妨野

老看懸想北窓高卧

祗疑瓊宇不勝寒

謝秋卿南湖恤刑責竹

青袍曾共省郎羈玉樹重依貴竹筵豈為士師虛帝  
命遠煩司寇問民冤巴川琴霍慙予伴晋室弓裘惜  
爾賢藁服已傳定國在好生謾數縱囚年

對雪

浙浙鳴凶雲暮同山樓寒角夜聲雄曉簾雪色明於  
水薰幔梅花冷禁風長路欲迷馳傳馬素餐遙憶故  
園菘剡溪更有乘舟興可柰袁安卧海東

題暮峰臺卷

臺為南湖秋卿內子之佳城介東  
山洞庭中有墨峯玄壁天井石門

龍藏亭  
石諸勝

洞庭神女瀛洲宅更借層巒結玉樓湖外墨峰天覆  
井龍來玄壁石浮秋東山仙子尋真日北渚牛郎隔  
漢流明月綵雲消息斷青鸞長鎖石門幽

除日以病不得與南湖守歲戲筆自遣

迎送年華此夕分遠淹旅食自書雲寒城爆竹驚春  
至靜夜燒檀滿院薰歲晚開尊稀過客春前抱病獨  
違君故山迢迢椒盤合樞馬林鳥應念群

壬寅元日試筆

憶昨班聯午闕東

初壓五更鍾

金門曙啓明

天仗 王殿香飄

宮萬國會逢占瑞應上方新

製製競宗工天涯佳節惠樗散拈筆無才頌歲功

送大司空韓公入朝便省太夫人于蜀

天衢遙曳入星軺寵鶴軒墀自九臯文物總誇霄漢

上經綸應贊廟堂高春明錦水迎浮鷁秋轉金門

禮執羔國事幾年勞四壯行將王母醉仙桃

送謝南湖畢事歸湘兼領保寧郡

高士由來寡俗因論心誰復慰離群遠天隔歲常懷

土客路逢春又別君左騎羊神詞在寄右軍蕭灑

留裙驅筵執手傷南浦隴樹從今影北雲

衡陽春轉促歸鴻遠羽脩然楚水空玉節舊聯三法

署金章新綰五花驄賢聲已識無雙士吏傳何人第

一功珍重謝庭康樂彥剖符應比蜀文翁

題雙鹿應期卷司空韓公往楚藩兩歲生曰俱有北鹿擊子之應

朱明淑氣決懸孤銀鹿微園又報雛賦協食羊齊綺

席瑞占挾轂表天衢留棠共擬時苗犢獻壽無論范

蠡圖景福從今窺色相更應純孝白環符

至普定登同適寺尚頭

青鞵一運度丹梯慈靜真恬老衲棲香散諸天凌市

隘綠饒平野映城低華曇龍去遺優鉢午夜鍾鳴笳

曙鷄寂寞三車隻樹裡病夫蕭散漫留題  
花宮俗遠綠陰封上乘誰留隻履蹤好鳥自迎山客  
到片雲長與梵王供厭趨塵路驅羸馬欲借禪林制  
毒龍半晌夢回支遁榻振衣去撫石臺松

九日新添道中

時邊報孔棘

病起東行菊始華懸車終日石林斜湛空玉露淩洲  
水鳴葉高聲萬樹霞風急羽書天北騎秋清客淚日  
南笳何方解識承平運朋酒公堂樂歲家

新添對鞠寄楊西村侍御西村秦人

萬字凝霜綠葉悲貫園秋色殿幽姿金英晞露龍鱗

細玉樹交風鷺羽垂桂苑天香元竝許蘭臺庭實亦  
同期關西夫子稀花信珍重明馳報一枝

來遠驛花驄子怪其神雋別於他種愛而賦之  
龍媒宛市為開先飛兔追風莫問年六印玉珂鳴匣  
匣五花雲毳覆鞍韉應圖沙苑群空冀歷塊羗原夜  
刷燕恠爾長鳴悲萬里益車不習繞朝鞭

清平王憲僉邀遊天然洞因覩其什次韻

春盡碧雲曾客遊歲餘東道寄真搜沉埋窟宅蛟龍  
合蘊藉精靈天地留避俗未分瓊藻席洗心疑沁玉  
壺漱多君幽意能將引問到名山共點頭



送包蒙泉請告歸江東

即事問君若若何相逢一嘯復悲歌  
蕭梢鴉尾俱塵鞅結束鴻繁已澗阿  
玉節久淹昆海日綵衣行照越江沱  
離思不分青山隔更寄東流楚水波

夜夢舍弟倫口號待寄

海雲不結暗愁腸叢桂山齋秋又芳  
南徼食牀懸夜雨西風歸夢入池塘  
青衿菽水新蘭室繡管丹鉛舊草堂  
念別祇應同努力十年消息恨殊方

病起東行止龍里

駢旌邈迤入山堂篆縷燈花進晚觴  
天畔形容悲故

國病餘風物近重陽輝輝乍覺窓疎月  
颯颯仍聞葉委霜莫遣旅魂驚獨夜漫  
裁一字答秋光

癸卯元日東方司工次韻

傑嘗與司工同官江北

天門初日暎朱干共沐青陽雨露寬  
仙莢始聞千歲曆野芹誰薦五辛盤  
江淮勝事淹情話楚越交親歷歲寒  
不柰暮雲傷杜甫欲凌霏雪問袁安

賀司工得男

繡屏春勝總宜蟬絳節文昌烏隕天  
熊夢久占元段德鳳雛應比仲謀賢  
素孤應節初懸矢門客回頭急寫箋  
寄語上元湯餅會月華長對掌珠圓

送朱大參致政歸金華

婺城東拍少微明，越絕春還初服成。  
白首何人歸未得，青山相望日為情。  
蕙帷猿雀供生事，宦海風濤任客程。  
南國居閒饒酒賦，移文為謝草堂靈。

過新昌谷侍御沃洲次韻

山向南明萬壑迴，石城蘿逕隱雲臺。  
天袞結勝峰霞亂，人境乘閒嶂野開。  
平臨天室分中剡，近應文昌屬上台。  
卜築卧玄非尚白，知君不羨子雲才。

送張侍御按貴陽兼得

恩封歸省

予先是按貴

簡書春發九重天，錦里光生化日邊。  
間道驅馳將雀斗，懸試問皇華。  
吾舊事隴雲江月，夢常牽

呂侍御春日監祀

太廟

芒幡綵仗開青道，喜見丹霄御氣親。  
綸綽曉傳三殿制，烟花晴散五樓春。  
千年禮樂仍周祀，百辟儀刑總漢臣。  
霄敏裸將清廟裏，不知千禮復何人。

送馮督學午山兄再赴南都

白門赤壁問仙蹤，榜下人傳振鷺容。  
共道珠璣酒善價，久知追琢自良工。  
舊京文物儀刑在上國，勳華雨露通南甸。  
春深花信滿，幾家桃李傍行驄。

送朱大參致政歸金華

婺城東拍少微明，越絕春還初服成。  
白首何人歸未得，青山相望日為情。  
蕙帷猿雀供生事，宦海風濤任客程。  
南國居閒饒酒賦，移文為謝草堂靈。

過新昌峇侍御沃洲次韻

山向南明萬壑迴，石城蘿逕隱雲臺。  
天襄結勝峰霞亂，人境乘閒嶂野開。  
平臨天室分中剡，近應文昌屬上台。  
卜築卧玄非尚白，知君不羨子雲才。

送張侍御按貴陽兼得

恩封歸省

手先是按貴

簡書春發九重天，錦里光生化日邊。  
間道驅馳將雀

以過庭詩禮對驪筵，日南寒暑占星近。  
直北山河望斗懸，試問皇華吾舊事。  
隴雲江月夢常牽。

呂侍御春日監祀

太廟

芒幡綵仗開青道，喜見丹青御氣親。  
綸綍曉傳三殿制，烟花晴散五樓春。  
千年禮樂仍周祀，百辟儀刑總漢臣。  
霄敏裸將清廟裏，不知千禮復何人。

送馮督學午山兄再赴南都

白門赤壁問仙蹤，榜下人傳振鷺容。  
共道珠璣酒善價，久知追琢自良工。  
舊京文物儀刑在上國，勳華雨露通南甸。  
春深花信滿幾家，桃李傍行驄。

隔年門卷帝城隈，悵別烟花吏節催。  
去住春心同旅鴈，淹留夜雨共離杯。  
閒愁逐日生庭草，芳信何年寄隴梅。  
相望暮雲燕楚路，常瞻明月鳳凰臺。

王新甫進士新昏王為宮允 秦公婿

明霞遠見赤城標，紫府雲軒早見招。  
瓊苑棣華春映席，洞宮珠樹日凌霄。  
丹山列障開鳶馭，青鳥傳書度鵲橋。  
更喜鈞天仙樂近，飛聲來和鳳樓簫。

讀安成周節婦傳

何年別宦歸遼海，渺渺雙江與恨傳。  
青鏡鳳樓塵自暗，素帷熊膽夜常懸。  
褒崇詔入南宮顯，列傳名垂太

史編華國書香餘，手澤百年雙淚蓼。  
我篇

秋日登憑虛閣寄牟氏叔丈次韻

官閣乘閒生客心，新秋雲物互晴陰。  
湖光反照連城動，山翠輕霏裊樹深。  
舒嘯林風傳鶴唳，坐聽江雨動龍吟。  
南州勝事三春隔，悵望重歌白雪音。  
萬宇秋聲動地來，千林迴望錦屏開。  
鼎湖世遠遺龍巖，璧月天中照鳳臺。  
勝地烟花常對酒，清時朋舊獨憐才。  
行雲不住江東暮，旅夢因君數到台。

寄克齋先生邑之勝有泉溪 五橋先生家焉

春江曾棹剡溪舟，三逕叨陪杖履遊。  
蘭芷襟期傷遠

道衣冠鄉里愧前脩五橋水落楓林晚百室門閑海  
月秋絕勝泉溪宜大隱北山無伴欲相求

送邵象峰先生赴河池

先生前守珠厓

千山送別海雲長五馬猶為舊服童祇為帝恩均  
率土莫將官跡比投荒遠遊路逸相君竹遺愛花新  
召伯棠消息願言隨處好本來清白重吾鄉

卜居

白水青林海上海上村石田茅屋共君恩撫摩髀肉初  
休馬枕藉春風欲杜門新理軒窓山更好舊荒松  
運猶存得歸莫問王絲遠芳草還堪賦露泥

閒居病起

桂樹叢生阿澗幽衡門無事足淹留青山雨後常携  
屐野渡風前自放舟天外音塵迷去鴈河干身世狎  
群鷗閒來不盡登臨興問月清尊更上樓

次韻訓沈子積兄見訪

離居懶慢罷登臺隔歲相期海上來十載幽思芳樹  
滿千山春望白雲開琴書待月留情話風物披襟入  
賦才知爾人文探禹穴更從雲路訪天台

浮雲逝水意重重歲晚惟憐舍外松赤管賸留  
明主賜綠尊得與故人逢閒隨野雀投孤嶼靜學山

道衣冠鄉里愧前脩五橋水落楓林晚百室門閑海  
月秋絕勝泉溪宜大隱北山無伴欲相求

送邵象峰先生赴河池

先生前守珠厓

千山送別海雲長五馬猶為舊服童祇為帝恩均  
率土莫將官跡比投荒遠遊路逸相君竹遺愛花新  
召伯棠消息願言隨處好本來清白重吾鄉

卜居

白水青林海上海上村石田茅屋共君恩撫摩髀肉初  
休馬枕藉春風欲杜門新理軒窓山更好舊荒松  
運猶存得歸莫問王絲遠芳草還堪共采芝

閒居病起

桂樹叢生阿澗幽衙門無事足淹留青山雨後常携  
屐野渡風前自放舟天外音塵迷去鴈河干身世狎  
群鷗閒來不盡登臨興問月清尊更上樓

次韻訓沈子積兄見訪

離居懶慢罷登臺隔歲相期海上來十載幽思芳樹  
滿千山春望白雲開琴書待月留情話風物披襟入  
賦才知爾人文探禹穴更從雲路訪天台

浮雲逝水意重重歲晚惟憐舍外松赤管賸留  
明主賜綠尊得與故人逢閒隨野雀投孤嶼靜學山

僧禮舊峰逆旅相從問消息共言白壁嘆庸庸

疊韻答邵子

留春憶上望春臺平楚風烟拂翠來杖屨連陰空谷  
遠行林遲日好花開登臨授簡逢嘉客旅語周行得  
雋才還指聚星俱拱極泰階直北是三台

人境林深深幾重薜蘿垂屋掛長松懸車結束衡門  
舊二仲風流三逕逢海上霞標明綠野天邊雲氣宿  
晴峰靜觀試取梅花數欲向玄門作附庸

送縣尹魏先生赴召

錦衣參軍

奎光良夜動勾陳天畔雙鳧向北辰百里絃歌推

令尹千山風物奉清塵驅馳行李江湖舊咫尺雲霄  
意氣新回首花封桃李樹向陽何異上林春

寄畬川諸姍長昔有約不赴因而嘲及

生涯歸去未全貧斗酒猶堪與論文何日雨中能過  
我幾年花下憶逢君郊扉習靜臨流水草閣抽思對  
野雲小逕舊曾留轍跡可令猿雀笑離羣

題後屏圖

地靈遙指括蒼隈萬壑千巖擁玉臺日下人文當屏  
翰天邊物色訪蓬萊南山共得宜民頌北海新添獻  
壽杯問信仙都舊時侶望中常得雀書回

簡王仲山

紫陌荷衣向幾年還家猶自卧青氊春深委巷王孫  
宅門近滄洲書盡船閱世風雲千駟馬憑虛鷺鶴九  
華仙采芝歌罷青精飯抱朴常容靜者緣

送賀司評分憲廣東

風期自識 彤庭對月旦相携棘署傍五嶺簡書初  
攬轡雙江雲水又持觴輶軒露冕迎秋色寶劍郵亭  
動夜光天外三山湖上月獨依鍾阜望潮陽

送後屏盧公應 召大理

于公懋德漢廷臣清世持平遇丈人曾識朝陽鳴鳳

早共傳秋憲畫熊頻飛鴻盡送春江棹遲日金沙  
路塵十載襟期雲樹遠相思南北歲華新

長春堂為妻元年鳳原賦鳳原雪洲翁子也

禽浦鳴山古越州山人習靜意悠悠四時花鳥供庭  
實五夜星河映海頭卜築地靈原上鳳承家風槩雪  
中舟竹林朋舊同相憶應許檢書博一丘

思歸

炊戾身雌憶故吾差池燕羽獨將雛驅車總謂南征  
吉懷土長懸北望孤海上延年唯服食秋生歸思亦  
尊鱸明農將有西疇事剋履猶堪田大夫



簡王仲山

紫陌荷衣向幾年還家猶自卧青氊春深委巷王孫  
宅門近滄洲書盡船閱世風雲千駟馬憑虛鷺鶴九  
華仙采芝歌罷青精飯抱朴常參靜者緣

送賀司評分憲廣東

風期自識 彤庭對月旦相携棘署傍五嶺簡書初  
攬轡雙江雲水又持觴輶軒露冕迎秋色寶劍郵亭  
動夜光天外三山湖上月獨依鍾阜望潮陽

送後屏盧公應 召大理

于公懋德漢廷臣清世持平遇丈人曾識朝陽鳴鳳

早共傳秋憲畫熊頻飛鴻盡送春江棹遲日金沙  
路塵十載襟期雲樹遠相思南北歲華新

長春堂為妻兄牟鳳原賦鳳原雪洲翁子也

禽浦鳴山古越州山人習靜意悠悠四時花鳥供庭  
實五夜星河映海頭卜築地靈原上鳳承家風槩雪  
中舟竹林朋舊同相憶應許檢書博一丘

思歸

炊戾身唯憶故吾差池燕羽獨將雛驅車總謂南征  
吉懷土長懸北望孤海上延年唯服食秋生歸思亦  
尊鱸明農將有西疇事剋履猶堪田大夫

成安縣博朱二丈以公事至都念別既久甚愜  
願見即席志喜兼訊邑長九難先生

攬衣猶記昔書紳江海分携跡已陳去鴈來鴻雲外  
約寒宵尊酒旅中親歡心共對梅花發春色相憐鄰  
眼新見說子游多善政絃歌又結講堂鄰

讀玉珙集次韻寄孫少梅

誰解幽期歷歲寒寰中消息靜中看律回葭管青陽  
信春占梅梢白雪丹霄館風騷渾漫興奚囊物色到  
長安西莊亦有松筠侶望隔三秋夢倚闌

送朱後峰教授寧國兼訊貴池鮑文博

分手城隅春載華南征鴻雁路俱賒年來善教惟三  
物老至耽書亦五車平野塵消徐信馬寒江水落靜  
浮槎陵陽西望連秋浦消息因君報叔牙

後峯歲首來會于京故首及陵陽陵陽山寧  
國巨鎮亘連池州秋浦貴池別名

送王九難之任宜興

毘陵官路繞江天飛鳥秋風信已傳祿位且從民社  
得門闌更荷帝恩偏瞻雲喜見南山近列宿隨行  
北斗前壯志與君相識久好將勳業副華年

送塾師張君分教金谿

抱璞誰憐席上珎彈冠常對幕中賓絃歌舊習菁莪

賦雨露新霑首宿春身是範模元自重志非温飽即  
忘貧共言瀕汝多賢地况復槐堂尚友新

按一統志撫州臨汝水以為郡故曰臨川槐堂本象山先生家塾后人即其地以祀象山祠在金谿學東

送俞總戎之雲中兼訊撫公同野

同野李公先與總戎同事于

橫海頻年事糾紛虎符曾與左車分投珠豈謂無知

已仗鉞仍煩佐上軍鏡歌夜對臨關月獵騎朝隨出

塞雲文武令名人共羨千秋彝鼎待殊勲

謝鄭儀臺兩秋惠菊

次家叔韻

西風老圃自朝曛三迤重煩綴樹分猿鶴故山

主兼發秋水獨餘君幽香近映中林竹勝賞遙停隴  
隴雲酬好未能投寸李九秋消息歲相聞

疊韻答謝家叔二首

佳節歸心幾夕曛林園此日與公分半生基緒承先  
世具慶門闌荷 聖君黃菊再逢眉壽酒清歌一曲

度江雲曲名山窻燒燭琅玕詠高枕松風五夜聞

繞舍松篁拂曙曛族繁門巷自辟分名家豈為千鍾

粟歸老誰堪萬石君世外風波從汝梗閑中蔬水共

浮雲鄉山未恨來何暮莫遣前修愧令聞里中有先

賢故

賦雨露新霑首藉春身是範模元自重志非温飽即  
忘貧共言瀕汝多賢地况復槐堂尚友新

按一統志撫州臨汝水以為郡故曰臨川槐堂本象山先生家塾后人即其地以祀象山祠在金谿學東

送俞總戎之雲中兼訊撫公同野

同野李公先與總戎同事于

橫海頻年事糾紛虎符曾與左車分投珠豈謂無知  
已仗鉞仍煩佐上軍鏡歌夜對臨關月獵騎朝隨出  
塞雲文武令名人共羨千秋彝鼎待殊勳

謝鄭儀臺兩秋惠菊次家叔韻

西風老圃自朝曛三徑重須綠樹分猿鶴故山佳

主兼馥秋水獨餘君幽香近映中林竹勝賞遙停隔  
隴雲酬好未能投寸李九秋消息歲相聞

疊韻答謝家叔二首

佳節歸心幾夕曛林園此日與公分半生基緒承先  
世具慶門闌荷 聖君黃菊再逢眉壽酒清歌一曲

度江雲曲名山窗燒燭琅玕詠高枕松風五夜聞

繞舍松篁拂曙曛族繁門巷自群分名家豈為千鍾

粟歸老誰堪萬石君世外風波從泛梗閑中疏水共

浮雲鄉山未恨來何暮莫遣前修愧令聞里中有先賢故

賢故

再疊答少梅

林影籠烟日向曛雲蹤何自路岐分  
奚囊老去成三益鄉社人稀咏五君  
冉冉籬花經宿雨翩翩江雁下寒雲  
一尊樂歲村莊靜月夕清砧逐處聞

承家叔和述夢之作次韻奉訓

青雲西望歛餘曛睡徹鳴鷄夜色分  
海屋筭筭壽傳甲子聖主野人芹曝獻吾君  
思瞻魏闕圖王會愧乏河東賦子雲  
遙擬華封三祝聖配天功德九州聞

再答謝家叔占夢之作

鳴雀東臯日未曛美人有懷天路分  
素心漫隨河上

更空山獨酌雲中君蕭蕭涼風入  
蘭蕙泛泛滄水雲短歌欲寄西飛翼  
矯首天長聞不聞

即事漫書前韻

秋林風葉淨寒曛野迳樵蘇逐舍分  
耕鑿自應知帝力催科安敢問邦君  
下家機杼留山月百里漁歌入海雲  
惟祝普天均樂土我生高卧耳無聞

飲許太常石城宅次韻奉訓

許與予同年

當年抱璞貴連城三刖長留世外名  
幾為索居憐杖屨幸從羣彥賦千旌  
肆筵歌吹凌霜淨歸騎天街傍月明  
樂事底論塵跡別半生離合共昇平

疊前韻

蚤歲從君入 帝城南州國士宿知名襟期落落空  
江漢世事悠悠卷旆旌白石放歌良夜半青藜開閣  
少微明懸知匣劍衝星近怪爾昂霄意未平

昂霄一作風驗

同年八人讌徐園次韻

公子名園芳樹隈故人車騎雁行來風期九陌辰星  
在笑語三秋宿霧開鍾阜晴光遙寓目鳳城佳氣  
浮盃林塘興洽秋聲起天路同瞻斗柄回  
紫萸黃菊消憂地短劍長年遊子顏海內升沉餘別  
日歲寒蹤跡共他山簪裾旅夢情猶素故水鄉心

欲斑喜遇七賢追勝事兩都常傍聚星班

往歲下亦為此會

次韻復張龍岡年兄

隔年相憶楚江秋與客重登江上樓望闕天中紅  
日近懷鄉雲外晚山稠趙張舊侶還同好陶謝新詩  
得共遊莫惜殊方搖落候更餘蘭蕙氣相求

馳疏乞身

小隱生涯水竹村支離長日自窺園病來野鶴辭軒  
乘老去庭椿竝樹萱赤水風雲千載遇碧山耕鑿  
兩朝恩携書北望歌天保萬里遊神款帝閣

送林白峯先生令都昌

疊前韻

蚤歲從君入 帝城南州國士宿知名襟期落落空  
江漢世事悠悠卷旆旌白石放歌良夜半青藜開閣  
少微明懸知匣劍衝星近怪爾昂霄意未平

昂霄一作風驗

同年八人讌徐園次韻

公子名園芳樹隈故人車騎雁行來風期九陌辰星  
在笑語三秋宿霧開鍾阜晴光遙寓目鳳城佳氣近  
浮盃林塘興洽秋聲起天路同瞻斗柄回

紫萸黃菊消憂地短劍長年遊子顏海內升沉餘別  
日歲寒蹤跡共他山簪裾旅夢情猶素散水鄉心

欲斑喜遇七賢追勝事兩都常傍聚星班

往歲下亦為此會

次韻復張龍岡年兄

隔年相憶楚江秋與客重登江上樓望闕天中紅  
日近懷鄉雲外晚山稠趙張舊侶還同好陶謝新詩  
得共遊莫惜殊方搖落候更餘蘭茝氣相求

馳疏乞身

小隱生涯水竹村支離長日自窺園病來野鶴辭軒  
乘老去庭椿竝樹萱赤水風雲千載遇碧山耕鑿  
兩朝恩携書北望歌天保萬里遊神款 帝閣

送林白峯先生令都昌

五月炎風動去橈南遊山水莫辭遙匡廬遠色楚天  
淨彭蠡澄波暑氣消直以弦歌資

聖治轉看風采著 清朝潯陽咫尺紫桑里莫學陶  
潛懶折腰

祇

命洛陽送同事陳大叅雷副憲北還

歲寒有約梅初放別思無端柳欲青瀛海星槎衝積  
雪太行雲騎歷層冰金蘭契誼資賢達河洛朝宗觀  
聖明三疊驪歌雙望眼更憑春鴈寄離情

又漢雷義陳重素敦友誼後並徵入朝  
又時人語曰膠漆自謂堅不如雷與陳

河山物色入新年萍水風期共宿緣在昔雷陳曾締  
好即今膠漆亦投堅輜軒計日春雲外班馬嘶風夕  
照前消息漫憐岐路別轉看鳴玉並朝天

使洛北還與風泉張公登定州開元寺塔

禪境高標絕世塵洞門風滿月輪新丹梯龍象疑無  
地碧落雲霞亦近人睥睨物華千古勝山川行色八  
荒春憑君莫忘昇平日共向中天禮 北辰



五月炎風動去橈南遊山水莫辭遙匡廬遠色楚天  
淨彭蠡澄波暑氣消直以弦歌資

聖治轉看風采著 清朝潯陽咫尺柴桑里莫學陶  
潛懶折腰

祇

命洛陽送同事陳大參雷副憲北還

歲寒有約梅初放別思無端柳欲青瀛海星槎衝積  
雪太行雲騎歷層冰金蘭契誼資賢達河洛朝宗觀  
聖明三疊驪歌雙望眼更憑春鴈寄離情

又漢雷義陳重素敦友誼後並徵入朝  
時人語曰膠漆自謂堅不如雷與陳

河山物色入新年萍水風期共宿緣在昔雷陳曾締  
好即今膠漆亦投堅輜軒計日春雲外班馬嘶風夕  
照前消息漫憐岐路別轉看鳴玉並朝 天

使洛北還與風泉張公登定州開元寺塔

禪境高標絕世塵洞門風滿月輪新丹梯龍象疑無  
地碧落雲霞亦近人睥睨物華千古睇山川行色八  
荒春憑君莫忘昇平日共向中天禮 北辰

燕石集

赤城居士方厓趙大佑著

詩七言絕句

宿靈石山房望畬川不得到

離居更奈青春色良夜應同滿月華  
點筆漫留靈石畔逢人為報舊遊家

將發赤城寄畬川諸外叔

三春雲樹送行舟結遠奚囊賦遠遊  
江上傳書逢小阮晚山蒼野正添愁

清浪壁間見包侍御蒙泉留題相憶答之

隔歲相求意未闌  
留衣傾蓋向誰寬  
綈袍正憶滇池  
近綵筆先沾清浪看

柱史風流竝兩京  
君家兄弟早知名  
蘭臺一笑逢包  
老衮職三年愧仲卿

平溪晚行

露下山深入夜清  
懸溪孤月向人明  
楓亭蘭省經年  
地朔雪炎風自客情

寄問戚都諫謫山東

明珠暗擲與誰家  
白璧由來豈匿瑕  
何事漢廷蒙止  
輦却教賈誼屈長沙

北闕何年還上書  
南山未許避窮涂  
天邊中夜聽雞  
起腸斷旅臣滯海隅

逐客安居近若何  
夢隨尺牘一相過  
簪裾此日江湖  
遠乘馬於君感激多

荊州司馬酒尊乾  
華府功曹詩興寬  
直道寧論三黜  
去海天寒暑願加餐

至日邀南湖秋卿次韻

北宮金石擅詞林  
擲地雙聲訝太音  
玄酒不嫌回味  
淡對君猶得論天心

題洞賓過海寄妻弟存次

隔歲相求意未闌留衣傾蓋向誰寬  
綈袍正憶滇池近綵筆先沾清浪看

柱史風流竝兩京君家兄弟早知名  
蘭臺一笑逢包老衮職三年愧仲知

平溪晚行

露下山深入夜清懸溪孤月向人明  
楓亭蘭省經年地朔雪炎風自客情

寄問戚都諫謫山東

明珠暗擲與誰家白璧由來豈匿瑕  
何事漢廷蒙止輦却教賈誼屈長沙

北闕何年還上書南山未許避窮涂  
天邊中夜聽雞起腸斷旅臣滯海隅

逐客安居近若何夢隨尺牘一相過  
簪裾此日江湖遠裘馬於君感激多

荊州司馬酒尊乾華府功曹詩興寬  
直道寧論三黜去海天寒暑願加餐

至日邀南湖秋卿次韻

北宮金石擅詞林擲地雙聲訝太音  
玄酒不嫌回味淡對君猶得論天心

題洞賓過海寄妻弟存泐

黃雀青龍橫海秋岳陽沉醉春悠悠洞庭一去空雲  
水回道蓬壺天際頭

對月

冬寒不嚴雲氣深山高地世常陰陰經時待月無消  
息一夜青光萬里心

寄梨與方司工

未論大谷潘家種何似勻圓方朔桃冰屑脫應隨玉  
饌重煩割肉內方刀

答沈思亭自蜀惠扇

誰裂湘娥紺淚裙半成華月度纖雲炎荒只任蒲團

力不道同風復有君

促代簡林經憲恕

隔歲歸心折大刀襟期迢遞五雲高瓜園忽報秋垂  
實旅夢猶驚舌上毛

驟程落日秋天遠山院扁堂夜月孤絲絡連翩西畫  
省羈棲曾念客愁無

彭城別家叔北上

榮名貴仕各天涯淡薄身心只舊家此去平安問林  
竹共將消息報梅花

寄問楊都閩閑往泗上

麓山舒嘯故年疎綠竹西園歲幾餘聞道將軍初避  
地瑞泉雙雀共閑居

雲巖絕觀臨芳甸花圃明窓散夕曛一榻琴尊聽鳴  
鹿不知何日更同君

題內弟林子隆便面

蕭散雲林懶着冠緇衣聊復故情歡春溪一曲烟沙  
路隨意青山綠樹看

簡劉姑夫麟野

桐栢宮前千里峰瓊臺玉笥九真蹤青鸞得報劉郎  
信春水桃花路幾重

簡塾師世壯弟

雨餘春事過東離山下原泉已到池猶有杏園花樹  
小曉風初動向陽枝

送趙府典膳楊楫北還相自彰德來送其兄壽徽邑

河陽縣裡棗華新一派漳流接漢津別路鴈行分北  
向贖留行色伴青春

簡沈子積兄得見為喜又不

飛鴻不寄十年書懷舊曾緣病裡疎昨日春風見顏  
色北山乘興欲移居

送朱用賓兄分教青州

藻池春暖杏花芬，海岱遺風尚有聞。  
珠重廣文名教在，範模元有舊成勳。

坐雨簡子積

講堂花樹映臯比，物候相將好雨知。  
却咲賁園荒殖甚，十年衣鉢愧吾師。

白芷青蘭總憶君，簷花三晝濕爐薰。  
亭亭獨對春山晚，誰遣離思破海雲。

越河官柳

臨風嫋娜帶烟輕，自占年華管別情。  
千里望秋隨客路，故園搖落幾枝青。

江干飲故人

聞將秋水淨塵纓，病熱年來廢解醒。  
江上丈人曾舊識，相逢休道獨為醒。

向人乞鞠

青蘭幽桂違相賞，猶有東籬菊數叢。  
紅紫陌頭春已去，且須一樹待秋風。

春夜北河聞鴈

來時木落逢南雁，去日春還又北飛。  
自咲却如隻社燕，何因相約故相違。

北河月夜有懷佶弟

去年曾泛鏡河舩野飯廣歌共晚煙別後草堂誰是  
伴相思華月滿前川

寄筆墨與弟倫

松脂桂蕊一函青伴送中書入管城記取秋風報消  
息鴈行雲裡聽蜚聲

涂中示兒

我祖便便五福身豐思無逸豫思貧瞻天幸就方升  
日作室誰當肯構人

南山喬木北堂花蘭茁纖纖蔭棣華論世祇應文獻  
足試看故國與名家

飲爾栢栢望爾門他鄉離恨故鄉魂轉看塚上三年  
上宿草經春掩淚痕

河西竹樹新開逕屋外松林舊買山能使草堂長有  
主賸添風景待吾還

須知稼穡最宜先生計慙無肩郭田菽水望雲天共  
遠一觴時獻老親前

哭老奴凌四壘之

半生休戚幾貧空戀主真成犬馬勞惠養豈緣心力  
盡更留帷蓋掩壙高

渡江



去年魚泛鏡河舩野飯廣歌共晚煙別後草堂誰是  
伴相思華月滿前川

寄筆墨與弟倫

松脂桂蕊一函青伴送中書入管城記取秋風報消  
息鴈行雲裡聽蜚聲

涂中示兒

我祖便便五福身豐思無逸豫思貧瞻天幸就方升  
日作室誰當肯構人

南山喬木北堂花蘭茁纖纖蔭棣華論世祇應文獻  
足試看故國與名家

飲爾枯椀望爾門他鄉離恨故鄉魂轉看塚上三年  
土宿草經春掩淚痕

河西竹樹新開逕屋外松林舊買山能使草堂長有  
主賸添風景待吾還

須知稼穡最宜先生計慙無負郭田菽水望雲天共  
遠一觴時獻老親前

哭老奴凌四壘之

半生休戚幾貧衣戀主真成犬馬勞惠養豈緣心力  
盡更留帷蓋掩蓬蒿

渡江

風起槎頭擁雪堆  
江天漠漠動晴雷  
蓬窓午夢歸山館  
疑是秋聲帶雨來

喜得家書示兒

海雲秋望指吾廬  
離別何堪喪亂餘  
問信幾回逢去鴈  
傷心意緒不成書

寒暑資身有敝廬  
辛勤應自惜三餘  
相思勿忘臨岐話  
萬里何妨少寄書

古遺居士

消息囊中看逝水  
榮枯身外即浮雲  
平生抱朴追先進  
明月青山似共君

咏松橋

為天台方從事

山梁一逕入雲窩  
幾樹松陰裊薜蘿  
為問幽人今大隱  
溪聲月色意如何

雪夕客至

石鼎烹茶擁敝裘  
衝寒人語在河洲  
山童試啓蓬門去  
報道東來雪夜舟

丙辰歲有感

時太宰李公有故

萬始亭前雀唳音  
謀生空抱百年心  
扁舟欲逐南飛鴈  
秋水長河深未深

秋夜聞鴈

幽鼓中宵歲已陰  
客窓調瑟奏商音  
故山何處秋聲  
起雲海冥鴻寄遠心

贈張月洲居士

金波穆穆江村靜  
玉宇沉沉倒影遙  
一曲滄浪隨野鳥  
塵機都向此中消

題醉醒集贈日者王玉田

皓首探囊白玉編  
逍遙不掛杖頭錢  
抵檣何處逢真訣  
皎皎三秋海月圓

送酒張龍岡年兄

舊京佳麗四時同  
二水三山得地中  
猶憶清尊煙雨

外與君舒嘯送長風

賦得新阡余欲易藏亡妻偶得地于白塔之陽

致予季世服亦晉婦原墓先之

天門雲斷來翔鳳  
珮絡三河偃月開  
馬首憑高千嶂合  
眼中形勝屬誰裁

與世服

巨魚縱壑時應近  
渡馬歸涂志不違  
百歲甘辛同逆旅  
青山一錘幸相依

贈盤谷蕙惜秋泉

松林獨在風前夜  
野寺疎鐘雪後天  
山水新聲誰得

函鼓中宵歲已陰  
客窓調瑟奏商音  
故山何處秋聲  
起雲海冥鴻寄遠心

贈張月洲居士

金波穆穆江村靜  
玉宇沉沉倒影遙  
一曲滄浪隨野  
鳥塵機都向此中消

題醉醒集贈日者王玉田

皓首探囊白玉編  
逍遙不掛杖頭錢  
抵檣何處逢真  
訣皎皎三秋海月圓

送酒張龍岡年兄

舊京佳麗四時同  
二水三山得地中  
猶憶清尊煙雨

外與君舒嘯送長風

賦得新阡余欲易藏亡妻偶得地于白塔之陽

致予季世服亦晉婦原墓先之

天門雲斷來翔鳳  
珮絡三河偃月開  
馬首憑高千嶂  
含眼中形勝屬誰裁

與世服

巨魚縱壑時應近  
渡馬歸涂志不違  
百歲甘辛同逆  
旅青山一鍾幸相依

贈盤谷蕪惜秋泉

松林獨在風前夜  
野寺疎鐘雪後天  
山水新聲誰得

似坐臨盤谷思秋泉

恭聞 聖恩寬釋海主事喜而口頌

林居曾誦攝生文芹曝空持望五雲聞道洪鈞

天上轉萬年遙祝 聖明君

寒食白塔道中

野逕迂迴風日清短歌纔及問山行逢人共話桑麻  
地十里春林徧鳥聲

睡覺聞鷄聲述夢

塵海迢迢已度關旅魂猶記五雲間山村寒夜鷄聲  
早為報朝 天夢裏還

送別徐槐清

朔風燕月舊交歡白首過逢意未闌念別共憐秋色  
滿碧松黃菊晚風丹

次九難公韻并贈

行地仙蹤一羽輕論交休問路傍情未應老圃長無  
伴花鳥春山遲爾評

贈林中罔巾

雲林習靜效潛夫自喜逢君病欲蘇墊角一綸將別  
意路人應識杏林儒

與少梅飲家叔宅值雨

江村避暑竹林杯喜共孫登坐嘯臺落日歸舟重回  
首滿天風雨送龍采

在洛得友人陳君書附荅錦屏山名陳君以疾罷教因而訊及

錦屏書帶共誰鄰夢落泉溪又一春洛浦望鄉南斗  
近相思無奈故人負

新石集

赤城居士方屺題大佑著

詩餘

菩薩蠻

書殘蠹葉燕春江曲翠樓掩映垂楊綠往事幾凭闌關  
山風露寒絲雲無覓處回首抵原路惆悵月華明新  
蘇舊恨并

齊天樂

他鄉幾度花朝故園日斷片雲天杳松竹吾廬槩書  
賓館冷落春池芳草兵戈擾擾想玉人安否誰共吹

簫錦瑟傳情度樓人唱月兒高

...

...

...

...



